

Segun prome minister Mike Eman: Mester acepta Rijkswet pa no haci Aruba un partner inconfiable den Reino



Pagina 3

• **Economistanan Arubiano ta urgi control di gasto publico** Pagina 2

• **CBS: Hogar di un solo adulto falta Af. 630 pa cubri necesidadnan basico** Pagina 4

• **Prome muhe Arubiano instala como vice-presidente di Corte den Prome Instancia** Pagina 6

Motociclista ta fayece cruelmente den accidente



Ayera nochi a sucede un accidente di trafico unda un motociclista a perde su bida.

Den un declaracion pa prensa na e lugar di e suceso, vocero di polis, Liliana Rasmijn, a bisa cu a sucede un accidente entre un brommer y dos auto, unda “e chauffeur di e brommer tabata muestra hopi grave.” Rasmijn a bisa cu ainda ayera nan no tabata conoce precisamente kico a sucede, pero lamentablemente e motociclista a fayece. “E ta bay bira e prome morto den trafico pa 2025.” Investigacion riba e suceso ta tumando lugar.

E no a duna informa identidad di e fayecido pa motibo cu e famia no a ser informa ainda. Rasmijn a confirma solamente cu ta trata di un homber, y cu ta trata di un brommer blanco.

Bon Dia Aruba ta manda palabra di condolencia na sernan keri di e fayecido.

Un grupo rebelde a cuminsa entrega arma na gobierno di Colombia



Pagina 11

Papa Francisco cu bishita sorpresa na Plaza di San Pedro



Pagina 23

Economistanan Arubiano ta urgi control di gasto publico **Aruba lo no scapa di un recesion economico global**

Nos ta den un situacion sin precedencia y tanto Banco Central di Aruba y Departamento pa Asuntonan Economico, DE-HZI, mester ta prepara pa pronostico economico diferente, ahusta pa cambionan rapido y significativo. Asina Miguel Mansur, economista y ex-Parlamentario di Aruba a bisa Bon Dia Aruba.

Mansur a reacciona riba preguntanan di Bon Dia Aruba riba e maneho economico nobo di Merca cu ta basa riba tarifanan general, cu ta inclui Aruba. Aunke nos pais no ta exporta hopi producto pa Merca, e poco lo mira un aumento di 10 porciento di impuesto di importacion.

“Maneho di e administracion Mericano nobo ta representa un abandono di e sistema di comercio internacional di ultimo 80 aña. E ta indica un cambio di direccion di mas globalisacion pa un posicion isola y protector. Beneficianan di comercio internacional cu menos distorsion posibel, e modelo di desaroyo pa ultimo decadan, lo hiba na alineacionnan nobo. Luga di un sistema basa riba reglanan negocia cuidadosamente durante decadas, nos lo mira paisnan mas poderoso usa nan poder pa nan mesun beneficio,” Mansur a splica. “E sistema actual di modelo economico usa pa CBA, DEHZI y hasta IMF ya no ta ideal pa e cambionan rapido y significativo cu a sosode durante ultimo simannan. Nos ta den un situacion sin precedente y asina leu cu mi sa no tin un analisis actualisa di con e maneho economico Mericano lo por afecta Aruba. E situacion ta cambiando lihe y ainda no ta conoci con e paisnan lo reacciona contra e tarifanan Mericano.”



Niester
Ora Merca niester, henter mundo ta bira malo, economista Rendell de Kort a bisa Bon Dia Aruba. E ta dificil pa premira e efecto di e guerra comercial cu a drenta debi na e aumento di tarifa, pasobra Aruba lo no ta directamente impacta basa riba e cantidad limita di exportacion di producto. Sinembargo “nos lo importa inflacion, cu ta bay ta halto na Merca, nos partner comercial primordial.” Miguel Mansur ta di mesun pensamiento, agregando cu inicialmente por existi un periodo di sobre-capacidad mientras produccion cu tabata exporta pa Merca ta busca otro mercado. “Durante un periodo di ‘dumping’ di cierto industria o producto nos por mitiga aumento di prijs pero lo depende di con lihe lineanan di cargo por adapta.”

De Kort ta bisa tambe cu por bin scarsedad, cu tambe tin efecto riba prijs. “Canada ta cambiando su rutan comercial pa evita Merca, cu ta nifica cu nan tambe ta bay bati porta na Colombia y Republica Dominicana. Canada como mercado mas grandi ta mas interesante cu nos pa e dos paisnan aki.” Manera Bon Dia Aruba a muestra recientemente, importadonan local ta trahando pa haya un ruta fiho for di Colombia pa produccion Sur Americano.

Balor di florin
Dollar entretanto ya caba ta bou presion y tin efecto pa florin. “Cu caida di dollar y consecuentemente florin, importacion di Europa y Latino America lo bira mas caro. E balor di e florin ta stabiel tanten cu nos haya suficiente divisa pa financia tur loke nos

ta importa. Si tin presion riba divisa pa un caida den turismo e ora Gobierno lo ta bao presion pa evita cualkier restriccion riba stranhero cumprando propiedad cu ta un otro fuente di divisa y inversion. Ta dificil pronostica e contraccion economico tanten nos no sa con paisnan lo reacciona y pa cuanto tempo interrupcion na comercio internacional lo sigui,” Mansur a ilustra.

Pa loke ta balor di florin mes, tur cos ta indica cu pa awor e ta stabiel, segun Mansur. “Florin ta stabiel den corto y mediano plazo tanten cu Gobierno mantene su mes na normanan financiero, reduci gasto, mehora ‘compliance’ y adapta su maneho incluyendo por ehempel pospone restriccion riba inversion stranhero, particularmente den propiedad.”

Di otro banda, si dollar baha nos florin ta baha hunto cune dus Aruba lo bira mas atractivo pa bishitante di otro pais. “Sinembargo, si henter mundo ta den contraccion economico door di interrupcionnan na comercio internacional, aumento den bishitante di otro pais lo ta dificil. Nos ta importa mas cu 50% di nos consumo di Merca dus e cambio di balor di dollar su efecto riba consumo lo ta limita. Produccionan produci cu componente internacional lo subi den prijs na Merca y nos lo importa e inflacion.”

Baha gasto publico
Economistanan ta premira efectonan negativo pa tur pais, particularmente islanan chikito, principalmente un caida den turismo y inversion, cu lo nifica un caida den entradanan publico. E



miho manera pa contra aresta efectonan y proteha economia local ta door di crea espacio financiero. Gobierno ta crea espacio financiero door di baha su gastonan y aumenta eficiencia. Tambe por hisa entrada di gobierno door di miho compliance pero mester evita aumenta entrada door di medida durante contraccion economico. E lo debilita economia mas y pospone recuperacion. “Fuera di crea espacio financiero, un economia cu ta depende mas cu 90% riba turismo ta limita den kico nos por haci pa contra aresta un crisis economico global. A largo plaso por desaroya mas produccion di alimento local na prijsnan competitivo, diversifica nos economia, diversifica nos mercado turistico, adapta nos modelo di desaroyo etc.”

Otro cu gasta mas den mercadeo ta dificil pa limita efecto di recesion pa e industria di turismo. Reduccion di gasto pa turista bishita Aruba ta un forma, pero “mester crea espacio financiero pa cubri esey. Paisnan manera Spaña ya caba a destina fondonan pa yuda empresanan afecta pa tarifanan Mericano adapta,” Miguel Mansur a splica.

Rendell de Kort di su banda a bisa cu Aruba tin un reto adicional esta e dependencia di mercado di Merca, cu ta bay drenta recesion y hasta un depresion. “Turismo ta un producto di luho. Banda di esey ta conoci caba cu nos pre-clearance pa Merca cu tabata un atractivo grandi pa biaha pa Aruba. Pero awor tin discusion cu Gobierno Mericano riba dje. Kiermen e sentido di proteccionismo

ta afecta tambe e experiencia di vuelo pa un Mericano. En todo caso esaki kiermen caida fuerte den ingreso for di turismo,” De Kort ta anticipa. Di otro banda, si balor di dollar cay, Aruba por bira mas barata pa turista Europeo, pero ta depende si su entrada no keda afecta pa e efectonan di tarifa. “Pero si balor di dollar baha, cumpra producto for di otro pais cu no ta Merca lo pone mas presion riba consumidor di Aruba.”

Oportunidad
Merca a impone un tarifa di importacion di 10% riba Aruba mientras e ta 20% riba EU. Si e tarifanan keda stabiel esey ta crea oportunidad pa algun industrianan ‘niche’ establece operacion riba e islanan pa beneficia di e tarifa mas abou, segun Miguel Mansur. “Mirando cu Corsou y Sint Maarten tambe a haya e mesun tarifa di 10%, Gobierno lo mester ofrece bentaha compara cu e otro islanan manera e.o. winstbelaasting mas competitivo. Un periodo di contraccion ta un bon momento pa inverti den haci gobierno mas eficiente door di e.o. aumenta automatizacion. Tambe por haci nos economia mas competitivo door di flexibilisa leynan laboral.”

Rendell de Kort di otro banda ta conseha tur hende pa acepta cu e ‘world order’ cu a conoce, ya no ta existi mas y lo no bolbe tampoco. Paisnan lo mester bira autosuficiente, algo cu nunca tabata posibel pa Aruba. Riba dje e relacionnan geo-politico ta bou tension cu ta crea mas reto, segun e economista.

Segun prome minister Mike Eman:

Mester acepta Rijkswet pa no haci Aruba un partner inconfiable den Reino

Diabierna 28 di maart, Parlamento di Aruba a aproba presupuesto nacional 2025 di pais Aruba di forma unanime. Ministernan di Gabinete AVP-FUTURO, ken a hura-menta e mesun diabierna mainta, a presenta den sala di parlamento pa responde pregunta di parlamentarionan. Prome minister Mike Eman a ricibi diferente pregunta tocante, entre otro, Rijkswet y financiamiento di FCCA.

E pregunta tocante Rijkswet y kico ta AVP su posicion pa cu esaki a bin dilanti varios bi-aha. E mandatario a splica cu dia cu a trata e Rijkswet den parlamento cu AVP mester a duna su observacionnan riba e Rijkswet, tabata trata di dos Rijkswet, e COHO y e Rijkswet di financieel toezicht. E momento ey fraccion AVP no ta di acuerdo cu e Rijkswet pa diferente motibo.

Pero aworaki e posicion ta otro. Minister Eman a splica cu formando e coalicion aki, y para dilanti e retonan cu tin cu Rijkswet canando caba, tin un compromiso di pais Aruba estableci caba cu gobierno ta bay di acuerdo cu e Rijkswet.

“Bo tin cu haci un evaluacion, si bo ta bay busca un disputa cu Hulanda riba e tema aki, kico ta e derechonan cu bo ta salvaguardia, kico ta e interesnan cu bo ta salvaguardia y kico ta e interesnan cu bo ta perhudica den momento cu e pais a firma caba, e pais a duna compromiso caba, e ta bay muestra cu Aruba ta bay muestra manera un partner no confiabel den Reino Hulandes. Nos a haci evaluacion y a pesar di e punto di bista cu nos tabatin dia nos a haci observacionnan riba Rijkswet, manera cu e situacion ta awor nos lo haci Aruba un partner inconfiable y probablemente e daño na Aruba lo ta mas grandi cu bay di acuerdo cu e Rijkswet,” el a remarca.

Minister Eman a indica cu e Rijkswet tin tambe e beneficio di interes mas abou cu lo yuda y p’esey, e ta kere, tin un consenso den coalicion cu nan ta trahando riba e Rijkswet y alabes a indica cu nan ta purba pa en berdad alcanza e fecha 1 di mei. El a menciona cu na e momentonan aki e normanan a drenta cu e contribucionnan di IMF y ya algun analisis rapido ta mus-

tra cu algun di e normanan ey hasta lo ta beneficia Aruba un poco mas awor cu e normanan cu ta ser usa door di CAft.

Durante tratamiento di presupuesto a bin pa dilanti tambe e pregunta kico ta e posicion pa cu e decision pa wanta cu e fianza na FCCA. Minister Eman a splica cu Gabinete AVP-FUTURO ta kere den FCCA y ta kere den e casnan pa esnan di menos recurso y a indica cu nan kier bay back na mesa cu FCCA.

El a sigui splica cu durante e proceso di formacion, FCCA nan a duna un splicacion global di kico ta nan intencion. E mandatario a señala cu nan ta kere cu 100 of 150 cas ta yuda, pero esey ta manera “un druppel riba e necesidad.” El a subraya cu tin un calculacion di centenares pa miles di cas cu tin mester y e gobierno nobo lo kier yega na un acuerdo cu FCCA y otro stakeholders riba un plan mas amplio di no solamente 150 cas, pero centenares di cas y unda ta bay busca e financiamiento pasobra for di caha di gobierno e no lo por sali anualmente.

“Mester traha hunto cu FCCA y otro stakeholders pa subi mercado di financiamiento, acerca e diferente instituto na Aruba cu tin reservanan. Ora bo papia cu e banconan, cu e institucionan di seguro bo sa cu nan tambe ta buscando formanan pa por alocan placa cu nan por gana interes pa garantisa fondonan di pensioen. Un tarea grandi pa nos, pa minister di Finanzas pa drenta den un dialogo cu institucionan financiero cu institucionan di seguro pa hunto cu FCCA mira con no unicamente e 150 casnan cu nos tin cu garantisa, pero pa e siguiente añanan aki nos ta papiando di centenares di cas cu nos tin cu bay garantisa,” el a enfatisa.

El a menciona cu tambe a bin dilanti e pregunta si gabinete nobo lo cambia e reforma di impuesto cu e gabinete saliente a introduci cu ta duna un break di impuesto na esnan di clase media bay abou. El a splica cu, na momento cu e noticia a sali, nan a haya e ta algo cu a afecta e espacio financiero cu nan tabatin pa alocar mas placa pa e aumento pa esnan di menos recurso.

“Si bo coy e 250 aki y pone



banda di e placa cu a ser alocar pa e reforma fiscal aki, ta papiando di casi 200 florin cu lo a bin acerca cu awe e cambio aki no lo ta papiando di 250 florin, pero di 450 florin,” el a remarca.

E mandatario a indica cu nan no ta kere ta bay trek terug e reforma fiscal. El a splica cu ta mesun situacion cu e Rijkswet cu Aruba a bay di acuerdo cu e Rijkswet cu Hulanda y mañan nan ta bisa nan no ta na fabor di esey, e ta haci e pais no confiabel. Mescos ta pasa den e caso aki pasobra land Aruba a duna 20 mil hende un break di impuesto y aki un of dos luna despues ta bisa cu el a ser ingetrokken.

“Mi ta kere e lo haci un daño enorme y nos ta kere cu tur hende merece un break di impuesto. Den tur sinceridad nos lo a alocar e fondonan ki na esnan cu mas mester di dje, pero ya cu el a ser alocar kinan nos a dicidi tambe den coalicion cu nos ta mantene e reforma fiscal aki y nos no lo haci ningun intento pa trek e terug,” el a sigura.

Minister Eman tambe a ricibi e pregunta tocante e cambio di ley cu su persona, y minister Mervin Wyatt-Ras a entrega na minister Tjon algun aña pasa pa bin cu un gehandicaptent uitkering pa mayornan cu tin yiu handic-

El a splica cu na e momento

aki e wetgeving di e gehandicaptent uitkering ta hopi anticua. E ta sali for di punto di bista cu mayornan di muchanan bou di 16 aña cu tin un discapacidad cu e mayornan mes lo mester carga cu esaki pasobra ta responsabilidad di mayornan.

E mandatario a remarca cu e pensamiento ey ta hopi anticua. El a indica cu e gastonan di un famia cu tin mucha special ta varia asina hopi, debi na diferente factor, cu e placa di un famia cu entrada normal simplemente no ta yega pa cuida e muchanan aki nan so. El a sigura cu e ley cu nan a presenta e tempo ey nan lo dun’e prioridad hopi halto den e gobernacion aki.

E tema di goederen en diensten tambe a bin dilanti y e prome minister a ricibi pregunta si nan ta kere cu esaki lo haci daño na inversionnan cu mester ser carga door di e diensten. Contestando e pregunta el a splica cu apart cu nan no ta aplica esaki “across the board” pero ta wak unda por duna menos of unda por duna poco mas, banda di esey tin practicamente tur aña un onderbesteding di e goederen en diensten.

El a sigui splica cu por ehempel den 2024 tabatin tanto miyon den goederen en diensten, y na final di aña ta wak cu a yega te cierto cantidad di gasto di e placa ey. El a remarca cu esaki ta nifica cu ora ta

papia di recorte di 10% di un suma cu tabata mas halto cu esun den 2024, por ta na final cu e recorte ey no ta menos cu loke a ser gasta den 2024 den e cifranan cu a ser realisa.

El a agrega cu nan no a haya e cifranan cu a ser realisa den 2024 ainda pa por haci calculacion, pero el a señala cu mirando historicamente durante hopi aña ta wak cu tin un onderbesteding den e post di goederen en diensten cu sa varia di 15% te cu 5%, locual kiermen cu 10% recorte por cay caba un parti den locual no lo a ser gasta tampoco.

“Esey no kiermen cu ta bay corta tur 10% den cada dienst y ministerio. Nos tin espacio pa mira cu esaki no ta bay haci daño na ningun ministerio ni funcion cardinal den e ministerionan,” e mandatario a sigura.



CBS: Hogar di un solo adulto falta Af. 630 pa cubri necesidadnan basico

Recientemente, Oficina Central di Estadistica (CBS) a publica e Indice di Prijs di Consumidor (CPI) pa luna di februari 2025. Den esaki, a nota cu den februari, un hogar consistiendo di un solo adulto tabatin un deficit di Afl. 630 den e bestaans-minimum, es decir, tabata falta 630 florin pa cubri su necesidadnan basico.

E bestaansminimum pa un hogar consistiendo di dos (2) adulto y dos (2) mucha (edad 0-15 aña) na Februari 2025 ta Afl. 5,494, un aumento di Afl. 14 compara cu Januari 2025 (Afl. 5,480). E bestaans-minimum pa un hogar di un (1) adulto ta Afl. 2,616, un aumento di Afl. 7 compara cu Januari 2025 (Afl. 2,609).

Kico ta un “Bestaansminimum” y con e ta wordo ahusta?

CBS ta defini un bestaans-minimum como e nivel minimo di entrada cu ta wordo percibi necesario pa un persona of famia por funciona den sociedad di un manera adecuado y socialmente aceptabel. Ora nos usa e definicion “Bestaansminimum”, en realidad ta wordo referi na un “Social Bestaansminimum” y no na e definicion literal di un “Bestaansminimum” cu ta referi na “e suma di placa necesario pa cumpra e bienes y servicionan cu ta wordo considera necesario pa biba un bida liber di privacionnan basico” (Nacionnan Uni).

Un indice a wordo crea pa e “Bestaansminimum” door di calcula e costo di tur recursonan esencial cu un adulto promedio ta consumi durante un luna. Cada luna e indice aki ta wordo ahusta, a base di e prijsnan di alimento, paña, vivienda, transporte y otro articulonnan den e canasta. E bestaansminimum actual ta wordo basa riba e rapport “Bestaansminimum 2010” publica door di CBS na Februari 2010, y cual ta wordo actualisa mensualmente segun e CPI. E unidad di referencia usa door di CBS (manera indica den e rapport aki) ta di un hogar cu ta consisti di dos adulto y dos mucha (di 0 pa 14 aña).

Bestaansminimum na Februari 2025

E bestaansminimum ta e nivel minimo di entrada cual ta wordo percibi cu ta necesario pa logra mantene un nivel di

bida adecuado den un cierto pais. Usualmente e bestaans-minimum ta wordo determina door di calcula e gasto di tur e recursonan esencial cu un adulto ta consumi den un luna of aña. Generalmente esaki ta wordo yama un indice basico di necesidad, y e ta varia segun e prijs di cuminda, paña, vivienda, transporte y otro articulonnan den e “canasta”.

Escalanan di ekivalencia ta wordo usa pa ahusta e nivel minimo di entrada percibi pa hogarnan di diferente tamaño y composicion. E escala ta asigna un peso di 1.0 pa e prome adulto y 0.5 pa cada adulto adicional den e hogar (edad 16+) y un peso di 0.3 pa cada mucha (edad 0-15 aña). E bestaansminimum ta basa riba cifranan di e rapport “Bestaansminimum 2010” y ta wordo actualisa mensualmente pa cu inflacion usando e CPI mensual. E unidad di referencia den e rapport aki ta di un hogar cu ta consisti di dos (2) adulto y dos (2) mu-

cha (edad 0-15 aña).

Na Februari 2025 e bestaansminimum mensual pa un hogar cu ta consisti di dos (2) adulto y dos (2) mucha (edad 0-15 aña) (Afl. 5,494) ta muestra un aumento di Afl. 32 compara cu Februari 2024 (Afl. 5,462) y a wordo causa principalmente door di aumentonan di Afl. 25 y Afl. 13 den e sectornan di “Cuminda y bebida noalcoholico” y “Transporte”. E reduccion mas grandi na Februari 2025 a wordo registra den e sector di “Recreacion y cultura” (Afl. -6).

Na Februari 2025 e bestaansminimum mensual pa un hogar cu ta consisti di un solo adulto ta Afl. 2,616, cual ta representa un deficit di entrada di Afl 630, un aumento di Afl. 15 compara cu e deficit observa un aña pasa (Afl. 615). E deficit aki ta e di dos mas halto registra den un periodo di seis (6) aña pa luna di Februari.

Tabel 1 Bestaansminimum mensual na Aruba (na Afl.) pa sector pa un famia consistiendo di 2 adulto y 2 mucha (0-14 aña)			
Sector	Feb-24	Feb-25	Cambio Absoluto
Cuminda y bebida no-alcoholico	2,278	2,303	25
Paña y sapato	241	237	-4
Vivienda	1,649	1,648	-1
Mobilario	116	114	-2
Salud	86	86	0
Transporte	318	331	13
Comunicacion	170	172	2
Recreacion y cultura	162	156	-6
Educacion	97	97	0
Restante bienes y servicio	345	350	5
Total	5,462	5,494	32

Source: Central Bureau of Statistics Aruba




Tabel 2 Bestaansminimum mensual na Aruba (na Afl.) segun tamaño y composicion di famia, Februari 2025 (Base Oct. 2010)					
Periodo	Escala di ekivalencia				
	1	1.3	1.5	1.8	2.1
	1 adulto	1 adulto + 1 mucha	2 adulto	2 adulto + 1 mucha	2 adulto + 2 mucha
Feb-24	2,601	3,381	3,901	4,682	5,462
Mar-24	2,616	3,401	3,924	4,709	5,494
Apr-24	2,618	3,403	3,927	4,712	5,497
May-24	2,615	3,400	3,923	4,708	5,492
Jun-24	2,606	3,388	3,909	4,691	5,473
Jul-24	2,619	3,404	3,928	4,714	5,499
Aug-24	2,626	3,413	3,938	4,726	5,514
Sep-24	2,631	3,421	3,947	4,736	5,526
Oct-24	2,629	3,417	3,943	4,732	5,520
Nov-24	2,625	3,412	3,937	4,725	5,512
Dec-24	2,624	3,411	3,936	4,723	5,511
Jan-25	2,609	3,392	3,914	4,697	5,480
Feb-25	2,616	3,401	3,924	4,709	5,494

Source: Central Bureau of Statistics Aruba

Tabel 3 Surplus/deficit di entrada mensual (na Afl.) pa Februari pa un hogar di un solo adulto, 2019 - 2024			
Periodo	Salario 1 adulto	Salario minimo	Surplus/deficit
2020	2,303	1,815	-488
2021	2,258	1,815	-443
2022	2,348	1,815	-533
2023	2,568	1,893	-675
2024	2,601	1,986	-615
2025	2,616	1,986	-630

Source: Central Bureau of Statistics Aruba



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproducir
sin permiso di editor.

Parlamentario Dangui Oduber (MEP) a dirigi pregunta na Minister di Asunto Economico relaciona cu aumento di gas

Parlamentario di Fraccion di MEP, Sr. Dangui Oduber, a entrega diferente pregunta na Minister di Finanzas, Asuntonan Economico y Sector Primario, Sr. Geoffrey Wever, relaciona cu e aumento di 30% di gas domestico.

Segun Oduber, e decision aki ta pisa riba e pueblo mientras cu AIB, cu a cumpra Arugas, a genera un ganashi di 13 milyon florin na 2023. "E pregunta cu ta surgi ta kende su interes e minister ta defende?

Di pueblo, e homber chikito of comercio?" segun Oduber. Splicacion di e decision Mirando e impacto cu e decision aki tini, Parlamentario Oduber ta exige un splicacion cla di e gobierno tocante e base y hustificacion pa un aumento asina drastico. "Nos ta spera cu e minister por duna un clarificacion detaya tocante e decision di a subi e prijs di gas domestico, specialmente despues di a campaña di mehora e poder di compra di nos ciudadanonan."



Parlamento Oduber lo warda riba contesta di Minister Wever
Segun e Parlamentario, ta esencial pa Parlamento y pueblo haya transparencia den e manera con ta mancha e

fondonan y ki tipo di consideracion ta wordo tuma prome cu implementa un medida. E cuestion aki ta lanta hopi preocupacion den e comunidad y e gobierno tin un obligacion pa duna claridad riba e situacion. Pa e motibo aki Parlamentario Oduber ta pidi pa Minister contesta e preguntanan mas pronto cu ta posibel, pa asina e pueblo por ta informa riba e motibo(nan) tras di e decision pa aumenta e gas domestico.

Gobernacion ta continuacion

Prome Minister Mike Eman ta sigui cu programa 'Limpi Limpi'

Diasabra dia 5 di april, Prome Minister Mike Eman a haci un bishita na e proyecto "Limpi Limpi" hunto cu ex-Minister di Naturalesa Ursell Arends. E bishita a tuma luga den contexto di e traspaso recien di e Ministerio di Naturalesa, durante cual Arends a duna un splicacion detaya di e diferente programa y iniciativa cu a implementa durante su periodo como minister.

Durante e encuentro, Prome Minister Eman a expresa su aprecio p'e programa "Limpi Limpi", cual ta sirbi como un alternativa necesario y funcional pa deposita desperdicio, despues di e cera e dump di Parkietenbos. Prome Minister a reconoce e rol crucial di e programa "Limpi Limpi" den e maneho sostenibel di desperdicio residencial, y a elogia e trabao di Ursell Arends pa implementa un solucion practico. Na mo-



mento cu e dump a cera, Prome Minister tabatin hopi preocupacion, pero ta reconoce cu ex-Minister Arends a tuma un paso importante pa trece un alternativa positivo. "Ora algo ta bon, mester sigui cune!" Eman a bisa.

Di su banda, Ursell Arends a manifesta su satisfaccion cu e gobierno nobo ta scoge pa

continua e programa "Limpi Limpi", facilitando asina un oportunidad gratuito y accesibel pa pueblo por deshaci di nan desperdicio den forma separa. E meta pa tin un Aruba mas limpi y sostenibel no tin color politico y ta un esfuerzo comun pa bienestar di nos isla.

Prome Minister Eman a

compromete pa sigui den contacto cu ex-Minister Arends, pa haci uzo di su conocimiento extenso rib'e tema di naturalesa y medio ambiente. Prome Minister Eman a gradici Serlimar y Bureau City Inspector pa nan esfuerce continuo y dedicacion den e ehecucion di e programa di limpieza. Finalmente, Prome Minister a indica cu lo sondea e posibilidad pa expande e frecuencia di e proyecto "Limpi Limpi", reconociendo su gran balor p'e comunidad.



Wardacosta ta intercepta boto cu droga y ta detene cuatro persona

Durante weekend, a detecta un boto den awanan teritorial cu tabata nabegando direccion di Aruba. Mesora Wardacosta a dirigi un di su botonan Metal Shark cu a logra intercepta e boto cu tabatin intencion pa dreña Aruba cu droga.

Esaki a keda informa a traves

di un comunicado di Wardacosta. Segun e comunicado, abordu di e boto tabata tin 4 hende homber di nacionalidad Venezolano. E hombernan riba e boto tabatin diferente bulto cu tabata contene mas cu 470 kilo di droga.

E personanan a ser entrega na Cuerpo Policial di Aruba y e caso ta den investigacion.



Un paso importante pa nos sistema hudicial

Prome muhe Arubiano instala como vicepresidente di Corte den Prome Instancia

Den un ceremonia na Hyatt Place a tuma luga e instalacion oficial di tres hues nobo pa Corte den Prome Instancia di Aruba. Minister di Husticia mr. drs. Arthur Dowers a asisti na e acto y a expresa su satisfaccion cu e desaroyo importante cu ta tuma luga den e aparato hudicial di nos pais.



den funcion di Vice-Presidente di Corte den Prome Instancia na Aruba y ta forma parti di e maneho diario di Corte Comun di Husticia di Aruba, Corsou, Sint Maarten y islanan BES. Hues mr. Jansen tin amplio experiencia den belastingrecht (derecho fiscal), tanto na Aruba como den otro parti den Reino Hulandes. E otro dos huesnan instala ta "strafrechtters" procedente di Hulanda cu a bin Aruba den cuadro di "bestrijding van ondermijning".

E Minister di Husticia a recorda cu 15 aña pasa tabata su mesun ministerio cu a realisa e transicion den Corte den Prome Instancia conforme cu rijkswet. E tempo ey tabatin un gran cantidad di caso pendiente cu tabata pone presion

excesivo riba e aparato hudicial. Ministerio di Husticia e tempo ey mester a duna sosten pa yuda alivia e presion riba Corte den Prome Instancia. Tambe a pone enfasis riba ley y desaroyo legal cu ta den proceso y cu den colaboracion cu Hof, por duna un sosten structural pa trata e casonan mas lihe y cu mas eficiencia. Pero, segun e minister ta e mesun problema cu el a tende 15 aña pasa; falta di placa, falta di personal y falta di material a ripiti den e discursonan di Hues de Kort y Jansen.

Minister di Husticia ta reafirma su compromiso pa sigui traha pa un sistema hudicial mas fuerte, mas eficiente y mas husto cu e apoyo institucional cu esaki merece.

Minister Dowers a indica cu e instalacion aki ta un indicacion di progreso y ta habri e porta pa mas participacion di hendenan local den e sistema di husticia tanto na Aruba como den otro parti di e Reino. "E ta fundamental pa tin un corte cu balansa cu hendenan cu ta wak e ley for di diferente perspectiva y experiencia di bida," E mandatario a indica tambe cu "Aruba ta un comunidad chikito, unda tur hende conoce otro y ta precisamente pa motibo ey cu ta bon pa tin hues for di otro origen, pa garantiza imparcialidad y obhetividad."

Un di e huesnan instala ta mr. Jane Jansen, e prome hende muhe Arubiano awor

Trahando hunto como ekipo

War Room a cuminsa: un solo frente den Reino



Asina yama "War Room" ta un proyecto di strategia di Reino Hulandes a cuminsa oficialmente na nos Pais ruman Corsou, bou di liderazgo di coordinador di Plataforma di Coordinacion di Informacion Interinsular (IICP).

Den e proyecto piloto unico aki, tur cinco Cuerpo Policial di Reino Hulandes como tambe RST, KMar y Warda Costa ta uni forza contra criminalidad transnacional.

E War Room ta funciona como un centro caminda specialistanan di informacion y analistanan ta traha hunto durante dos siman intensivamente. Meta ta pa identifica rednan criminal cu ta opera den Reino Hulandes.

E informacion obteni ta forma e base pa intervencionnan of investigacionnan penal. E War Room ta marca un paso importante pa un colaboracion structural y duradero den e lucha contra criminali-

dad cu ta minando nos sociedad.

Alto Comisario Ramon Arnhem ta indica di tin hopi aprecio pa e organisacion y e participantenan di e War Room. "Ta nos prioridad regional den conhuntro cu Colegio di Hefenan di Polis pa intercambia informacion na un manera eficaz den Reino. E War Room ta un resultado bunita di esaki". tabata palabranan di altocomisario di Polis Arnhem.



Kico ta un 'tarifa'?

Den e edicion aki di nos column semanal tocante nos idioma Papiamento, atencion pa un palabra cu na e momento aki, den su version Ingles/Mericano lo mester a bira conoci den tur pais na mundo: 'tariffs'. Kico e ta y kico nos ta haci cune, pasobra e palabra ta existi den nos idioma caba, pero cu otro contenido? Ban splica na promer lugar kico ta su uso actualmente den e debate tocante impuesto di importacion na Merca y awor na henter mundo.

'Tariffs' en realidad ta referi realmente na 'import tariffs'. Mas tanto esey ta referi na e porcentahe di e valor di e producto cu ta importa (o ta exporta pasobra impuesto riba exportacion tambe ta existi). Den e sentido ey e ta mescos cu loke nos ta comprende bao di tarifa, cu e diferencia cu nos no ta papia nunca di 'tarifa' so, sino cu nos ta papiando di 'tarifa', semper ta bin acerca ki tipo di tarifa. Esaki pa bon motibo pasobra nos tin un cantidad di otro asunto unda nos ta usa 'tarifa'. Si nos kier pone bon cla na kico nos ta referi, anto na Papiamento nos no por papia simplemente di 'tarifa' como traduccion directo di e 'tariffs' den e contenido actual na Merca, pero mester yama esey 'tarifa di importacion' pa haci distincion di otro uso di e palabra. Asina por ehemplo nos tin 'tarifa' di awa y coriente. Aki e 'tarifa' ta indica e suma fiho estableci cu e consumidor pa e unidad di e servicionan ey mester paga. Pa coriente esey ta e unidad di energia (KWh) y pa awa e metro cubico (m3).

Awor por surgi e pregunta: por ripara cu den gobernacion ta mantene e definicionnan Hulandes den asunto di aduana: 'invoerrechten en accijnzen'? Kico ta kico ey? 'Invoerrechten' ta ser usa pa e productonan cu ta maneha segun nan valor, nan prijs di compra ademas di fleta y seguro, por ehemplo. Pa cada categoria di producto tin 'tarifa' cu ta e porcentahe di e valor cu mester paga como impuesto. Tin vez sa usa e concepto original di Latin 'ad valorem' pa indica esaki.

'Accijnzen' ta un forma specifico di impuesto di importacion y ta referi na e productonan cu pa nan caracter special tin un suma fiho pa volumen. Cerca

nos esey ta combustible y producto petrolero, tabaco, y producto di alcohol.

E palabra 'tarifa' a bin di e influencia di Spaño/Portugues y ta sirbi como sinonimo pa e otro terminonan usa na Spaño, manera 'aranceles'. Fuera di esey ta usa 'impuestos', 'derechos'; 'tributaciones'; tambe 'derechos tributarios' y hopi mas. Un comparacion entre Hulandes (accijnzen) y Spaño (aranceles) ta resulta di tin origen diferente, aunke e aparente similaridad por sugeri un origen comun.

'Arancel' ta di origen Arabe ('al-inzal') y ta referi na e 'derecho di posada', e derecho di cobra pa un lugar di alohamento; tambe ta referi na 'tasacion' ('taxatie: valora un inmueble). Tambe tabata usa esaki pa pone un tasa (tarifa) pa e descarga di mercancia. E termino a yega na e Spaño antiguo durante e ocupacion musulman na e peninsula Iberico te 1492.

E 'accijnzen' Hulandes sin embargo ta bin di Frances antiguo: 'assise' cu ta referi na un audiencia hudicial, un ordenanza o impuesto. Despues a añadi na esaki e palabra Latin 'census' cu ta significa 'impuesto' y a bira e termino desde siglo 17 caba pa 'verbruiksbelasting', e impuesto riba cierto producto di consumo unda e impuesto aki ta inclui caba den e prijs cu e consumidor ta paga. Nos a referi anteriormente caba na e productonan cu na Aruba ta cay den e categoria aki.

Awor un desvio den direccion di Hulandes. Den e idioma aki ta conoci tambe e termino 'importheffing' o 'invoerheffing'. Ta trata di e verbo 'heffen' cu ta significa 'hisa' pero cu den e cso aki ta implica tambe 'bah'e riba bo', 'impone' esaki, un impuesto anto. Na papiamento tambe nos conoce e verbo ey, pero mas tanto den sentido un poco negativo: 'heft' nos ta usa den, por ehemplo: "Mi ta heft bo un wanta si bo no ta stop." Den asunto di impuesto nos no ta usa 'heft' pero por imagina un persona bisa: "Gobierno si a heft nos un golpi cu su belasting nobo ey." Esey lo ta uso completamente corecto...

3 di 6 persona abordo di un helicopter di ambulance ta fayece despues cu el a cay den lama cerca di Hapon

(AP) — Un helicopter di transporte medico cu tabata carga un pashent a cay den lama zuidwest di Hapon diadomingo, lagando tres di e seis personanan abordo morto, segun wardacosta di Hapon a bisa.

E piloto, Hiroshi Hamada, di 66 aña; Katsuto Yoshitake, un

mecanico di helicopter y un enfermera di 28 aña, Sacura cunitake, a ser rescata pa wardacosta mas trempa den dia despues cu nan a ser haya den awanan pega na jacketnan di salbaida. E tresnan a sufrí di hipotermia, como cu nan temperatura di curpa a baha abnormalmente, pero asina mes tabata consciente, un funcionario di wardacosta



a conta The Associated Press, papiando bou condicion di anonimidad di acuerdo cu

regulacion.

E curpanan di e dokter medico, Kei Arakawa, di 34 aña; Mitsuki Motoishi, di 86 aña, e pashent, y su cuidador Kazuyoshi Motoishi, di 68 aña, a ser recupera despues pa un helicopter di Forsa di Defensa Aereo di Hapon.

como parti di e operacion di rescate.

E seis personatabata abordo di loka e Haponesnan ta yama “un helicopter di dokter,” na caminda pa un hospital na Fukuoka for di un aeropuerto den e prefectura di Nagasaki, ora el a cay, segun wardacosta.

Wardacosta a desplega dos avion y tres barco den e area

E causa di e accidente no ta claro ainda.

Mexico ta confirma e prome caso humano di griep aviar den mucha di 3 aña

(AP) — Un mucha muher di 3 aña di e estado di Durango na Mexico ta e prome caso humano confirma di gripe aviar (bird flu) na Mexico, oficialnan di salud a bisa diabierna.

Influenza tipo A H5N1 ta plama a traves di bestia y algun hende na Merca. Tabatin 70 caso den e pais ey den e ultimo aña cu a pasa, segun

e Organizacion Mundial di Salud (WHO), aunke investigadornan y estudionan ta sugeri cu esey ta probablemente un subconteo.

Na Mexico, e mucha muher tabata den estado grave den un hospital na Torreon den e estado bisiña di Coahuila, e ministerio di Salud a bisa den un comunicado diabierna. Elbisa cu na prome instante

el a ser trata cu un remedi contra gripe.

No tabata conoci con e mucha a contrae e virus. Investigadornan tabata test parhanan salvahe den bisindario di e cas di e mucha muher, e declaracion a bisa.

E ministerio di salubridad a bisa cu e riesgo di e virus pa e poblacion general ta considera como abou.



Nigeria ta ricibi mas di 1 miyon vacuna pa combati un brote di meningitis continuo

(AP) — Nigeria a ricibi mas cu 1 miyon vacuna for di e deposito mundial financia pa Gavi pa combati un brote di meningitis den e parti norte di e pais, e gobierno a bisa diabierna.

Por lo menos 74 hende a muri di e malesa, cu mas di 800 caso reporta den 23 di e 36 estado di Nigeria, segun e Centro di Control di Malesa di Nigeria, of NCDC. E region norte di e pais a ser afecta mas duro pa e malesa.

Minister di Salud Muham-

mad Ali Pate a bisa cu e yegada di e vacunanan ta un logro crucial den e contesta di Nigeria na e brote di meningitis actual.

“Nos a priorisa preparacion pa epidemia y contesta rapido como parti di nos agenda di seguridad di salud mas amplio,” Pate a bisa den un declaracion conhunto di e aliansa mundial di vacunacion Gavi, UNICEF, e Organizacion Mundial di Salud (WHO) y e gobierno di Nigeria.

E vacuna tambe ta crucial pa

e seguridad di salud di Nigeria pa basta tempo y ta yuda preveni brotenan den futuro y ta proteha futuro generacionnan, asina Walter Kazadi Mulombo, representante di WHO na Nigeria a bisa.

Meningitis, mas comun durante e temporada cayente na Nigeria, ta afecta e membranan protectivo cu ta rondona e cerebro y medula espinal. E ta un reto significativo di salud publico den e pais mas pobla di Africa, cu tambe ta bringando contra malaria. Nigeria anteriormente a



ricibi yudansa di e Agencia di Merca pa Desaroyo Internacional pa combati e malesanan aki, pero e sosten a ser retira recién.

Nigeria ta situa den un area conoci como e Faha di Meningitis Africano. Entre 2022 y 2023, e pais a registra 2.765

caso sospechoso y 190 morto, segun NCDC.

Nigeria ta trahando pa implementa un mapa di caminda aproba pa e Asamblea Mundial di Salud na november 2020 cu tin como meta pa eradica meningitis pa 2030.

Scarsedad nacional di dokter di cas na Hulanda: 1 di cada 20 Hulandes ta buscando otro dokter

(Nu.nl) — Un calculacion di 45.000 pa 194.000 Hulandes no tin dokter di cas, segun rapport di Algemeene Rekenkamer publica diaranson. Ademas, mas cu 700.000 hende ta buscando un dokter di cas. Segun Corte di Control, e problema aki ta birando pio.

Na april 2024, minister di e tempo ey Pia Dijkstra (Cuido Medico) a bisa cu no tin scarsedad di dokternan di cas na Hulanda. Sinembargo, lo tin un “problema di distribucion”. Tin un scarsedad den algun region.

Dijkstra ta contradeci e con-

clusion di Algemeene Rekenkamer: tin scarsedad di dokter di cas. Actualmente, 732.000 Hulandes ta buscando un dokter di cas diferente cu esun cu nan tin actualmente. Esaki ta debi na por chempel mudamento of malcontento cu e dokter actual.

Ademas, por lo menos 45.000 y posiblemente 194.000 hende lo no ta registra na un dokter en general. Esaki ta, por chempel, pasobra nan practica bieu ta cera y no tin lugar ningun otro caminda. Esaki ta nifica cu un di cada binti Hulandes ta busca un dokter di cas, Corte di Control ta raporta.

Parti di e problema ta cu hen-



de hopi biaha no sa cu nan seguro di salud por yuda haya un dokter. Segun e seguronan, 7.000 hende ta buscando activamente. En realidad, e cantidad ey probablemente ta hopi mas halto, segun e investigadornan ta bisa.

Aña pasa, 60 porciento di

consultorio dokternan di cas en general tabatin un paro di pashent. Esaki ta nifica cu e dokternan di cas ey no por of no kier a acepta pashentnan nobo mas.

E motibo principal pa esaki tabata un problema di capa-

cidad. Esaki parcialmente ta debi na crecemento di poblacion y envehecimento cu Hulanda ta mirando.

Actualmente tin un falta di practica. Den pasado, dokternan di cas hopi biaha tabata traha na un consultorio. Esaki ta haci mas facil pa pashent por cambia di un pa otro.

Awendia, dokternan di cas mas tanto ta scoge pa traha como contratista y ta reemplaza otro dokternan di cas temporalmente ora ta necesario. Pero “sin practica, no tin practica caminda pashent por registra,” e Corte ta declara.

Potret di Nu.nl.

Corsou ta bao presion pa resolve finanzas di hospital

(CuraçaoChronicle) - Cft ta urgi e gobierno di Corsou rapidamente provee claridad riba e futuro financiero di Curaçao Medical Center (CMC). Mientras cu fondo adicional a keda aloca den e presupuesto di 2025 pa mantene e hospital operacional, riesgonan financiero significativo ta keda pa finanzas publico.



Cft ta adverti cu CMC su debe pendiente a surpasa e balor di e edificio di hospital. Esaki ta nifica cu transferencia di e propiedad por resulta den un pago substancial di e debe.

Tambe di incertidumbre andando tocante e debe na financieronan externo, kendenan tin derecho na parti di e propiedad. Adicionalmente, no a aloca un presupuesto pa mantenimiento y inversionnan esencial, cual por pone

den peliger e continuidad di e servicicionan di cuido di salud.

Cft ta urgi e gobierno claramente atende e implicacionnan financiero den 2025 den e acuerdo di presupuesto

pa 2025, e OBW.

Mas aleu cu preocupacionnan di e hospital, Cft tambe ta cuestiona Corsou su plan di likidacion. 3 scenario proponi pa bolbe paga un debe cu ta caduca den 2025 lo a mira e inversionnan necesario. Ademá, e gobierno ta asumi cu Merca lo refinancia e prestamo di 140 miyon, pero no a haci ningun acuerdo pa cu esaki ainda.

Pa loke ta trata e ingreso di impuesto, Cft ta conseha revisa e pronosticonan. E ingreso cu ta anticipa for di salarionan ta kedando menos di loke e presupuesto ta calcula, mientras cu contribucionnan

di seguridad social den 2024 a surpasa e expectativa cu 69 miyon florin. Gobierno tambe a clarifica cu ganashinan cu ta anticipa for di licencianan di wega di placa, cual a genera 18 miyon florin den 2024. Cu 500 aplicacion pendiente na caminda, Cft ta considera cu e calculacion di 30 miyon pa 2025 ta posible.

Finalmente, Corsou mester recalcula su gastonan di personal. E presupuesto actual ta calcula e gastonan 19 miyon, cual ta mas.

Cft ta insisti cu mester tin un coreccion riba OBW di 2025 pa por garantisar un plan financiero realistico.

Ex minister ta adverti cu monopolio di CPS ta debilita resiliencia economico

(CuraçaoChronicle) - E monopolio cu Curaçao Ports Services (CPS) tin ta strobando e isla su habilidad di por wanta crisis economico, segun ex minister Alex Rosaria.



Den un analisis publica den corant local Extra, Rosaria ta adverti cu Corsou ya caba ta sintiendo e efectonan di tarifa di importacion mas halto na Merca, cual a aumenta aproximadamente cu 10% pa varios pais den e region, incluyendo Corsou.

Rosaria a splica cu e impuesto di importacion - cual ta pone contra produccionan di exterior - inevitablemente ta causa prijs mas halto riba e isla. Esaki, na su turno, ta aumenta inflacion y ta reduci e poder di compra di consumidor. Mientras cu autoridadnan anteriormente a priminti reduccion di prijs, nan a fracasa den tuma na cuenta e impacto potencial di e guerra di mercado cu Merca. "Awo nos ta enfrentando realidad," Rosaria a declara.

E ex minister a nota cu Washington a introduci tarifanan aumenta pa impulsa industrianan Mericano, pero pa motibo cu no por construi fabrica di un dia pa otro, e tarifanan di importacion por tin efecto opuesto y causa un recesion global.

Corsou no ta exporta producto significativo na Merca, pero ta depende en gran parte di importacion Mericano. Cu gasto di importacion den aumento, lo sinti e efecto di esaki den henter economia.

Adicionalmente, Rosaria ta adverti cu e politicanan di Merca por fortalece China su influencia den e region, impactando relacionnan di mercado y potencialmente afectando e esfuersonan internacional di combati trafico di droga y e trafico di arma ilegal.

El a enfatisa cu Corsou su posicion vulnerable ta empeora pa su falta di coordinacion dentro di comunidad Caribense CARICOM.

Pa contraresta e peso economico, Rosaria a haci yamado na gobierno pa:

- Pidi documentacion tecnico riba e tarifanan di importacion Mericano pa desaroya un strategia directo den respuesta
- Cuminsa dialogo diplomatico cu CARICOM y Merca pa explora exencion of reduccion di tarifa
- Fortalece mercado regional pa medio di inverti den agricultura local y produccion industrial, reduciendo e dependencia riba importacion di exterior
- Kibra e monopolio di CPS pa estabilidad economico.

Un di e obstaculo clave den resiliencia di Corsou su eco-

nomia, segun Rosaria, ta e monopolio cu CPS tin riba operacion di waf. Esaki ta restringi logistica competitivo y eficiente, cual ta debilita mas ainda e isla su estabilidad economico.

Pa mehora Corsou su habilidad di wanta shock global economico, Rosaria ta urgi desmantela CPS su monopolio, y permiti operacionnan na waf cu ta mas eficiente y competitivo. Asina un decision, e ta argumenta, lo ta un paso crucial den direccion di garantisar e isla su futuro economico.

Di mesun manera varios economista, incluyendo president Klaas Knot di De Nederlandsche Bank, ta sorprendi pa e escala di e tarifanan cu Trump a impone.

E manera cu e Cas Blanco a determina e porcentahe di e tarifa ta particularmente "im-

pactante" segun e president a conta Nieuwsuur. "Esaki no tin nada di haber cu teoria economico. Si e no tabata algo asina serio, e lo ta "algo pa hari."

E gobierno Mericano a calcula e deficit total den mercado cu Merca pa cada cias y a impone mita di esaki como tarifa di importacion. Un surplus den mercado ta nifica cu un pais ta exporta mas na otro pais di loke e ta importa. Pues Trump kier pa e paisnan den cual el a impone tarifa, importa e mesun cantidad cu loke nan ta exporta pa Merca. "Trump su filosofia ta cu cu-alkier surplus den mercado ta malo, pero no tin ningun economista cu ta pensa asina," Knot a comenta. "Paisnan ta den diferente etapa di desaroyo y algun den etapa cu ta involucra un surplus den mercado of un deficit den mercado. No tin nada di malo den esey."

Segun Knot, e consumidor Mericano lo paga e prijs pa e tarifanan aki. "Durante su prome termino, Trump tambe a impone tarifa di importacion. Mirando back, a resulta cu e consumidor Mericano a paga casi 100% pa esaki. Inflacion na Merca te ainda no ta bao control. Un ola nobo ta na caminda riba esaki."

Pa Hulanda, hopi ta depende riba kico lo duna exencion di e tarifa di importacion. Basa riba calculacion inicial, DNB ta pensa cu Hulanda lo perde algun fraccion di punto di porcentahe den e crecimiento economico. Proximo aña, esaki por aumenta na henter un punto. Cu crecimiento economico anticipa di 1.5%, esaki ta un golpi significativo.

Knot ta premira cu e sector di cuminda, industria di metal y e sector kimico lo ricibi e golpi mas fuerte.



Hulanda: No ta bay tin prohibicion di klapchi e aña aki; Gabinete mester di mas tempo

(NLTimes) - Probablemente lo ta imposibel pa implementa un prohibicion general di klapchi pa e bispo di aña nobo aki. Traha riba tur e condicionnan di e parlamentarionan pa e proyecto di ley lo tuma por lo menos 18 luna mas, y tin tur tipo di obstaculo practico y financiero cu mester supera, Secretario di Estado Chris Jansen di Transporte Publico y Medio Ambiente a bisa den un debate parlamentario riba e asunto, NOS ta informa.

E partido di Coalicion NSC a tira su sosten tras di un proposicion di GroenLinks-PvdA y PvdD pa un prohibicion general di klapchi diamars, brindando un sosten di mayoria grandi den parlamento. VVD tambe ta sostene e prohibicion. Tur dos partido di coalicion a pone condicionnan na e sosten ey.

VVD, por ehempel, kier pa Gabinete Schoof bin cu un plan detaya pa enforsa e prohibicion y combati klapchi ilegal. VVD y NSC tambe kier pa un plan di ChristenUnie ser traha den mas de-



taye. E partido Cristian kier permiti alcaldenan duna exoneracion pa cende klapchi, pero solamente den contexto di bario of asociacion. “Nos no kier descarta completamente e cendemento di klapchi,” Parlamentario di VVD Inge Michon a bisa.

Secretario di Estado di PVV, Jansen, ta pensa cu pa por elabora e plan aki e lo tuma “tempo” y lo dura por lo menos 18 luna. Esaki pa motibo cu introduccion di excepcionnan mesora ta lanta pre-

gunta, manera parlamentario di JA21 Joost Eerdmans tabata lihe pa señalá. “Mi por entrega un peticion tambe cu mi casa y yiunan?” Eerdmans kier a sa. Esey ta nifica cu no lo tin prohibicion di klapchi e anochi di aña nobo aki, Jansen a bisa.

GroenLinks-PvdA, PvdD, y ChristenUnie ta haya esey preocupante. ChristenUnie tin miedo di un “armagedon” - un termino biblico pa un catastrofe - si amantenan di klapchi por “laga los” pa un

ultimo biaha. GroenLinks-PvdA a pusha pa urgencia. “Realmente e mester ta mas lihe posibel, pasobra un fecha di implementacion mas laat tambe ta trece cune un prijs pa e servicionan di emergencia y polis,” Parlamentario Jesse Klaver a bisa.

Hopi partido a subraya cu nan a haya un berguensa cu e tradicion Hulandes aki ta desapareciendo. Pero nan a agrega cu e hopi medidanan pa stop e violencia creciente contra di e prome respondi-

entenan no a yuda. “Un prohibicion di klapchi no ta dibertido,” Klaver a bisa. Pero e iniciadornan no ta mira otro opcion.

Lider di BBB Caroline van der Plas tabata visiblemente molestia pa e prohibicion di klapchi cu tabata acercando. El a yama esaki incomprendibel puntrando con parlamentarionan kier pone un fin na un “fiesta dibertido caminda bon ciudadanonan ta cende weanan decorativo.”

Secretario di Estado Jansen a bisa cu Gabinete Schoof ta “neutral” tocante e prohibicion, pero lo cuminsa traha riba ehecucion solamente unabes cu parlamento a aproba e proyecto di ley definitivamente. Mescos ta conta pa compensacion - Jansen kier pa parlamento saca afo con ta bay compensa e sector di klapchi na momento cu e prohibicion drenta na vigor.

E “posicion dogmatico” aki a molestia parlamentario di ChristenUnie, Mirjam Bikker, particularmente.

Hulanda: Relacion historico di Leiden cu colonialismo ta sali na luz den investigacion nobo

(NLTimes) — Leiden Universiteit y e ciudad di Leiden a lansa un investigacion nobo den cual nan ta reconoce nan envolvimento historico den colonialismo y esclavitud. E descubrimientonan, presenta dia 3 di april, ta duna prueba di e conexionnan di tanto e universidad como e ciudad cu e red colonial for di aña 1600 te 1945.

E investigacion ta muestra cu Leiden Universiteit tabatin un rol activo den sosten di proyeccionnan colonial. Lider, estudiante y profesornan di e universidad tabata envolvi den investigacion relacional cu e colonia, incluyendo estudio riba ley, pueblo indigena y experimentonan medico. Hopi estudiante, forma den diferente disciplina, a bay traha den e colonia, specialmente den institucionnan manera e Verenigde Oostindische Compagnie (VOC) y West-



Indische Compagnie (WIC).

Aunke e universidad no tabatin esclavo of un porcion den plantacion, e estudio a conclui cu el a beneficia di e rikesa genera pa colonialismo y esclavitud. Lidernan di e universidad tabatin laso cu figuranan colonial influyente, algo cu a contribui na e estabilidad financiero y prominencia di e institucion.

E investigacion tambe a revela cu Leiden, a pesar di no ta un

ciudad di waf grandi, tabatin relacionnan importante cu actividadnan colonial. Segun e trabao di Ramackers y Sow, hopi lider politico y economico di Leiden tabatin envolvimento den VOC y WIC. Nan a yuda pone inversornan for di Leiden den contacto cu comercio colonial y di esclavitud. Algun di nan tambe tabatin inversion priva den e trafico di esclavo.

Ademas, ciudadanonan

ordinario di Leiden supuestamente tambe tabata forma parti di e red colonial. Algun tabata traha uniform pa e ehecuto colonial, mientras otro tabata entrena pa sirbi riba barconan destina pa e colonianan. Soldadnan for di Leiden tabata ser manda tambe pa sostene dominio colonial Hulandes.

E liderato di Leiden Universiteit a expresa su compromiso pa atende cu e resultadonan di e

investigacion. Annetje Ottow, presidente di e directiva di e universidad, a bisa cu e investigacion ta duna un comprension mas cla di e laso historico di e institucion cu colonialismo y esclavitud. El a enfatisa cu e universidad lo analisa e resultadonan seriamente y lo tuma e siguiente paso apropiado.

E investigacion di Leiden Universiteit ta forma parti di un dialogo nacional mas amplio den Hulanda riba e legado di colonialismo. Den 2022, gobierno Hulandes a duna un disculpa formal pa su rol den esclavitud y a aloca 200 miyon euro pa iniciativanan relaciona cu su impacto, incluyendo sosten pa descendientenan di esclavonan.

E investigacion a ser conduci pa historiadonan Ligia Giay, Sjoerd Ramackers y Emma Sow, y a ser organisa pa e Consejo di Direccion di e universidad y gobierno di ciudad Leiden.

Agitacion na Fundacion Interamericano ta corta ayudo critico na Haiti, informe ta bisa

(AP) — Miles di Haitiano a perde acceso na recursonan incluyendo simia, fianza y cuido medico despues cu e administracion di Trump a cuminsa desmantela un fundacion Mericano cu tabata yuda e pais Caribense den problema, segun un informe nobo emiti diabierna.

Church World Service, un organisacion di ayudo cu sede na Merca, a bisa cu e Fundacion Inter-Americano tabatin 27 subsidio cu partnernan den henter Haiti na balor di mas cu 10 milyon dollar cu a dirigi casi 82.000 hende.

“Pa corta e programanan aki, specialmente di e manera aki, ta cruel,” Joel Malebranche, director di programanan internacional na Church World Service a bisa. “Agricultornan a conta cu sosten Mericano, y nos ta birando lomba awor na comienso di e temporada di plantamento. E rapport ta muestra cu e accionnan aki ta bay conduci na mas mucha cu ta enfrenta malnutricion y den algun caso, perdida di bida.”

E rapport a ser publica e me-



sun dia cu un hues Mericano a bay di acuerdo pa stroba e administracion di Trump di desmantela e Fundacion Interamericano, un instancia autonomo cu ta distribui placa di subsidio na gruponan di desaroyo di comunidad den Caribe y Latino America.

Pero e agitacion na e fundacion cu a cuminsa mas trempan e aña aki ya a resulta den un calculacion di 500 pa 600 Haitiano cu ta ser nenga cuido medico tur luna; mas o menos 14.500 Haitiano perdiendo acceso na fianza di simia, hermentnan y otro servicionan; y 40% menos fianza ta disponibel, segun e rapport.

“E daño ey no por ser de-

shaci,” Alex Morse, representante regional suplente pa Latino America y Caribe na Christian World Service a bisa. “No tin alternativa pa hopi di e famianan aki.”

El a bisa cu a pesar di e decision di diabierna, e preocupacionnan ta keda.

“Di loke nos a mira e administracion aki haci cu otro decisionnan di corte similar, nan ta restaura e programa... pero toch nan no ta manda e financiamiento,” el a bisa.

Mas o menos 230 trahador den henter Haiti a ser kita for di trabou caba, cu 17 organisacion obliga pa kita henter nan personal for di trabou, segun e rapport.

E rapport, cu tabata basa riba un analisis rapido, a declara cu tabata dificil pa determina e profundidad di impacto cu e desmantelacion di e Fundacion Interamericano lo tin ariba e subsidiarionan na Haiti.

E subsidio a yuda cunukeronan door di provee nan cu simia, herment y entrenamiento den un pais caminda mas o menos 2 milyon hende ta casi pasa hamber y casi mitar di mas cu 11 milyon habitante ta enfrentando nivelnan halto di inseguridad alimentario agudo.

E subsidio tambe a yuda provee servicio di salud rutinario y cuido pa pashentnan cu malesanan serio y emergencia den un pais caminda mas cu 4.200 hende a ser reporta morto for di juli pa februari, y 1.356 otro a keda herida, segun e Organizacion di Nacionnan Uni (UN).

Ademas, e subsidio a yuda financia fianza, specialmente pa hende muher den areanan rural, e rapport a indica.

E desmantelacion di e Fundacion Inter-Americano, hunto

cu e ciere di USAID, tin hopi preocupa pa e futuro di Haiti, cual ta depende hopi di ayudo di exterior.

Morse a bisa cu Church World Service ta purbando di identifica otro organisacionnan cu por duna yudansa na henter Haiti, cu a lucha pa medio di segura y inundacionnan intenso.

Haiti ta hinca den un agitacion politico y ta destrui pa violencia lansa pa gangnan cu ta controla por lo menos 85% di e capital, Port-au-Prince. Gangnan tambe a conquista otro regionnan, recientemente atacando e ciudad central di Mirebalais, unda nan a asalta un prison y a libera mas di 500 prisionero.

Mientras tanto, no tin vuelonon comercial cu ta bay y for di e aeropuerto internacional principal di Haiti den e capital, cu e Administracion Federal di Aviacion di Merca extendiendo un prohibicion riba vuelonon te cu 8 di september despues di un aumento den violencia di gang.

Famia di cantante Venezolano cera na El Salvador ta exige debido proceso

(Reuters) - Amigo y famia di Venezolanonan deporta for di Merca pa un prizon di seguridad maximo na El Salvador a tene un vigilia dilanti di muralnan colorido di e caranan di nan sernan keri pinta den caya di Caracas, pidiendo pa un proceso debido despues cu Merca a acusa nan di ta miembro di gang.

Paola Paiva a conta Reuters cu su ruman homber Arturo Suarez tabata un cantante. Su casa a bisa medionan local cu el a bay Merca pa desaroyasu carera musical.

“Mester hiba e proceso debido,” Paiva a bisa. “Nos no sa kico ta pasando cune. Esaki ta practicamente un secuestro. Nos no a tende ningun noticia di mi ruman pa 16 dia.”

Suarez a ser deteni dia 8 di februari pa oficialnan di Inmigracion y Duana (ICE) cu a invadi un cas na North Carolina unda e tabata trahando



un video musical cu Darwin Hernandez, un barbero, y ruman di Hernandez, segun Aida Diaz, casa di Darwin Hernandez.

Diaz a bisa cu su casa a bis'e prome cu el a ser deporta cu el a pidi'e pa firma un papel cu ta bisa cu e ta miembro di Tren de Aragua, pero el a marca 'no'. El a bisa cu el a realisa cu el a ser manda pa

El Salvador despues cu su nomber a aparece riba un lista di esnan deporta cu CBS a publica.

Tanto Paiva como Diaz a bisa cu nan sernan keri no tabatin antecedente penal na ningun pais. Reuters a mira prueba cu Hernandez no tabatin antecedente penal na Venezuela pero no por a verifica independientemente antecedente



mas leu cu esey. ICE no a responde mesora na un peticion pa comentario riba ningun di dos caso.

Gobierno di Merca a bisa cu tur e Venezolanonan cu nan a deporta tabata miembro di e gang Tren de Aragua, pero abogadonan y activistanan a desafia esaki. Un oficial di ICE huramenta luna pasa a

bisa den un declaracion cu hopi no tabatin antecedente penal di Merca.

Merca a reconoce cu un homber Salvadoreño a ser deporta y manda pa e prizon erroneamente pero a bisa cu e no tin autoridad legal pa trec'e back.

Biahe di asilo di Panama pa Nicaragua pa ex-presidente Martinelli a caduca

(Reuters) - E biahe di asilo otorga pa Panama na su ex-presidente Ricardo Martinelli pa e por biaha pa Nicaragua a caduca di ahuebs marduga despues cu e gobierno di Nicaragua no a contesta dentro di e plaso stipula.

Martinelli, kende a keda sentencia pa mas cu 10 aña di prison pa labamento di placa na Panama, ta buscando pa biaha pa Nicaragua pa asilo for di februari 2024.

Desde e tempo ey, e ta bibando na e embahada di Nicaragua na Ciudad di Panama

mientras e ta warda ariba aprobacion.

“Gobierno di Republica di Nicaragua no a duna un contesta riba e aceptacion di e mesun dentro di e periodo otorga, y su prolongacion posterior”, Gobierno di Panama a bisa den un comunicado.

“Como consecuencia di e falta di contesta, a pesar di e hecho cu tur e documentacion pidi pa Gobierno di Republica di Nicaragua a ser manda pa medio di canalnan

formal, e biahe a alcanza su fecha di vencemento,” el a agrega.

Gobierno di Panama a stipula cu e asilo diplomatico di Martinelli ta keda valido y cu nan lo respet’e. Dialuna, Panama a prolonga su termino di biahe di asilo, originalmente otorga dia 27 di maart, cual tres dia despues cu e proceso a enfrenta un obstaculo debi na preocupacionnan tocante un peticion di un aviso cora di Interpol, cu a ser rechasa na Panama pero a stimula tensionnan cu Nicaragua.



Un grupo rebelde a cuminsa entrega arma na gobierno di Colombia mientras combersacion di paz ta avansa

(AP) — Un grupo rebelde yama ‘Comuneros de Sur’ a cuminsa entrega nan arma na gobierno di Colombia, e ministerio di Defensa a bisa diasabra, como parti di e combersacionnan di paz cu ta spera di conduci na e desarmacion di e grupo den e proximo lunanan.

E grupo di mas o menos 250 bringador ta opera den e provincia di Nariño di Colombia y ta den negociacion cu gobierno desde aña pasa.

“Esaki ta un momento historico,” minister di Defensa Pedro Sanchez a bisa durante un ceremonia den e ciudad di Pasto, caminda varios acuerdo cu e grupo a ser delinea pa oficialnan.

Sanchez a bisa cu durante e ultimo dos dianan, e Comuneros de Sur a entrega minanan di tera, granat y raketnan na un unidad di ehército cu ta destruyendo nan.

“Agricultornan lo por cana sin miedo di topa cu un tereno di mina,” Sanchez a bisa.

Te recien, e Comuneros de Sur tabata parti di e Ehército Nacional di Liberacion, of ELN, un grupo di mas o menos 6.000 bringador cu ainda ta bringando contra e gobierno di Colombia.

Na mei aña pasa, e Comuneros a kibra for di ELN y a cuminsa combersacionnan di paz cu e administracion di presidente Gustavo Petro. Esey a frustra e liderazgo di ELN y a stroba su negociacionnan cu gobierno di Co-



lombia.

Petro, kende tabata parti di un grupo rebelde den su hubentud, ta organisando combersacionnan di paz cu nueve grupo rebelde adicional y gangnan di traficacion di droga na Colombia bou di un strategia conoci como “paz total.”

Mayoria di e negociacionnan aki no a logra reduci violencia y te awor apenas e Comuneros de Sur a bay di acuerdo pa cuminsa un transicion pa bida civil.

“E Comuneros de Sur ta solamente un di nueve problema” cu e administracion di Petro ta confrontando, asina

Gerson Arias, un analista di e Fundacion di Ideanan pa Paz, un think tank na Bogota a bisa.

“Y nan ta solamente un segmento chikito y marginal di e gruponan arma di Colombia,” el a bisa.

Arias a bisa cu e gobierno ta purbando di yega na acuerdonan regional cu fraccionnan mas chikito di gruponan rebelde cu por kita cierto presion for di e poblacion, en bes di acuerdonan nacional mas grandi.

“E combersacionnan cu e Comuneros de Sur, ta e unico cu porta lo logra” den e administracion di Petro, Arias a



bisa. Pero el a agrega cu algun asunto ainda mester ser resolvi, manera e mecanismonan legal por medio di cual victimanan di e grupo lo por busca husticia y berdad.

Na 2016, Colombia a firma un acuerdo di paz cu e grupo rebelde mas grandi di e nacion, e Fuerzas Armadas Revolucionarias de Colombia, of FARC, den cua mas cu 13.000 bringador a baha nan arma.

Pero e retiro di FARC for di algun area rural a crea un vacuum di poder cu gruponan mas chikito a purbando di yena.

Gobierno di Colombia awor ta luchando pa provee seguridad den areanan rural isola, caminda varios grupo ta bringando pa rutanen di trafico di droga y recursonan natural, mientras nan ta recluta menornan di edad y ta impone impuesto riba negoshinan local pa recauda fondo.

Na comienso di e aña aki, mas cu 50.000 hende a ser desplasa for di nan cas na Catatumbo, un region na canto di e frontera di Colombia cu

Venezuela, despues cu ELN a ataca pueblonan, caminda nan a acusa cunukeronan di sostene un grupo rival.

E gobierno di Colombia a suspende e combersacionnan di paz cu ELN despues di e atakenan ey, cu Petro acusando nan lidernan di bira traficante di droga “golos” cu a traiciona nan idealnan revolucionario.

Na Nariño, cual ta situa na canto di e frontera di Colombia cu Ecuador, oficialnan local ta spera cu gobierno di Colombia lo tene gruponan rebelde leu for di e area, dor di provee proyectonan di desarrollo economico y seguridad mas grandi.

“Si yega na un acuerdo di paz entre eComuneros de Sur y e gobierno, nos lo kier sa mas tocante e estrategia pa proteha e territorio aki” asina Giovanni Cardenas, un funcionario di derechonan humano den e ciudad di Samaniego a bisa.

“Lo ta tragico si e grupo aki desmobilisa y un otro grupo bin aki pa sigui cu e mesun guerra.”



Ex-assistent ta bisa cu creador di pelicula a agredi su persona

(AP) - Paul Schrader, e escritor di "Taxi Driver" y director di "American Gigolo", a keda acusa den un demanda di agresion sexual contra su ex asistent personal, despidiendo su persona ora cu e no a acepta e avancen y falta di cumplimento riba acuerdo cu tabatin meta di mantene e acusacionnan confidencial.

E ex asistent, identifica den documentonan di corte como Jane Doe, a demanda e creador di pelicula y su compania riba diahuebs. E ta pidiendo ordo di corte pa obliga cumplimento despues cu Schrader a bisa cu e no por cumpli cu esaki. E termino, cual ta inclui un pago monetario, no a keda revela.

"Esaki ta un topico di cumplimento di un acuerdo cu ta cla," Doe su abogado, Gregory Chiarello, a skirbi den documentonan di corte cu ta compana e acusacion di kiebro di contract.

Schrader su abogado, Philip J. Kessler, a considera e demanda "desespera y oportunista" y a bisa cu hopi di e acusacionnan den dje ta falso of no ta pinta e imagen corecto. "Nos ta absolutamente nenga cu a yega di tin un relacion sexual



entre Mr. Schrader y su ex asistent, y nos ta nenga cu Mr. Schrader a haci cualkier intento di cualkier tipo cu su ex asistent," Kessler a bisa.

E demanda, entrega den corte di New York, a trece dilanti acusacionnan cu e acuerdo

confidencial entre Doe, 26 aña y Schrader, di 78 aña, tabatin e intencion di keda confidencial y secreto.

Nan ta inclui den e acusacion cu e creador di pelicula a wanta Doe den e camber di hotel, a gara su brasa y a dun'e

un sunchi contra su boluntad aña pasa mientras nan tabata promocionando su pelicula mas recien, "Oh Canada," na Cannes Film Festival di Francia.

2 dia despues, segun e demanda, Schrader a yama Doe varios biaha y a manda mensahe di texto rabia bisando cu e ta "muriendo" y no por empaca su maleta. Ora cu Doe a yega e demanda ta conta cu Schrader a expone su partinan priva na su persona ora el a bay habri e porta di su camber.

Doe ta acusa cu Schrader a despedi su persona den september ultimo despues cu un biaha mas el a rechasa su avancen Poco despues, el a manda un email expresando e preocupacion cu el a bira un "Harvey Weinstein" den su mente. Weinstein, e magnate di pelicula cu a converti den un villano principal di e movimiento "#MeToo", a ricibi un condena pa violacion na Los Angeles den 2022 y ta

wardando un huicio nobo dia 15 di april den su caso di violacion na New York.

Segun e demanda, Schrader a acepta e acuerdo dia 5 di februari pero a cambia di opiiion despues di un malesa y "crecimiento propio." Schrader a expresa via su abogadonan luna pasa cu e "no lo por biba cu e acuerdo," segun e demanda. Kessler a desafia esaki.

"E acuerdo cu nan ta purbando di implementa contra Mr. Schrader ta, den Ingles simple, rekeri ambos partido firma esaki prome cu e ta legalmente efectivo," Kessler a comenta. "Mr. Schrader a nenga firma esaki. E ta francamente asina simple."

Doe a traha pa Schrader desde 2021 te cu 2024, segun e demanda. Durante e tempo aki, Kessler a bisa, el a publica riba rednan social tocante con hopi e ta stima su ttrabao y a referi na Schrader como un mentor extraordinario y "mi homber."

Schrader a ricibi fama via su colaboracionnan cu e director Martin Scorsese, cuminsando cu "Taxi Driver" den 1976. Robert De Niro su frase iconico, "You talkin' to me," ta marca den e lista entre e citanan di pelicula mas grandioso cu a yega di mira den pelicla pa American Film Institute.

Schrader ta co-escritordi 1980 su drama "Raging Bull," cual tambe di De Niro, y a skirbi e pelicula religioso "The Last Temptation of Christ" y e drama di paramediconan "Bringing Out the Dead."

Tambe el a dirigi 23 di su propio pelicula, manera mira den 1980 su "American Gigolo," cual tambe el a skirbi. El a ricibi su unico nominacion pa Academy Award pa su trabao como escritor di "First Reformed."



ACF TA BUSCANDO UN

Procurement & Inventory Associate

Un persona pasiona pa naturalesa y comprometi na su conservacion.

Ultimo Dia pa Aplica:
15 di april 2025

Porfavor manda bo CV y carta di motivacion na
Sra. Avonda Powell na hr@acf.aw

Pa mas informacion, porfavor bishsita
acf.aw/about-us of scan e QR-Code aki





Aruba Conservation Foundation

Hunto pa Naturalesa.




NO CUMpra
ADOPTA!

Chris y Tania Kross ta duna un concierto fantastico na Cas di Cultura

E siman cu a pasa a tuma luga den Cas di Cultura e concierto Kross & Kross di e artista- y famianan Chris Kross y Tania Kross.

Tabata dos concierto unico di calidad halto cu di principio te final a pone e publico presente disfruta sin fin. E publico a consisti di Aruba su hendenan di un gusto unico cultural moderno.

E banda, cu a haci un tremendo presentacion, tawata bou guia di e superstar Chris Kross y a consisti di artistanan di oro Arubano manera Ivan Quandus, Johnny Scharbaay, Christopher Rodulfo, Pi re Koolman, Schlipken Croes y Jorzinho Kelly.

Cancionnan presenta tawata e.o. Toch mi sa, A Rosa y el sauce, Min'sa di Padu, Re-biba, Wow'i cari o, Andicuri, Atardi, Spain, Nenita, Ple-gariay hunto cu artista local Edjean Semeleer e cantante



Tania Kross a presenta e hit grandi, original di Montserrat Caball  y Freddy Mercury, titula Barcelona cu Tania Kross tin riba e plataforma Youtube mas cu 7.000.000 views.

Tambe e artistanan a pidi e publico pa no lubida di coopera y sostiene Cas di Cultura su campa a di recaudamento di fondo cu ya a cuminsa. Na nomber di nos Stichting Klein Aruba nos ta felic-



ita Chris-, Tania Kross, tur e musiconan y sigur Karen- y Gerold Kross cu sosten di Vibration PR & Media di Maria Silva cu dos concierto unico

y completo bendi. Mas informacion y mas potret por bishita www.Arubamusician.com.

Polis Britanico ta acusa comediante Russell Brand di violacion y agresion sexual

(AP) - Polis Britanico a acusa Russell Brand cu violacion y agresion sexual despues di un investigacion di 18 luna a causa di acusacion di 4 hende muhe, ken a bisa cu e comediante a agredinan.



Londres su Metropolitan Police Force a bisa cu Brand, di 50 a a, ta enfrenta un acusacion di violacion, un di agresion indecente, un di violacion oral y otro 2 di agresion sexual. Brand a nenga cu el a participa den "actividad sexual sin consentimiento."

E supuesto ofensanan ta involucra 4 hende muhe y a tuma luga entre 1999 y 2005 - un den e pueblo di Bournemouth y e otro 3 den e area di Westminster. Polis a bisa cu e investigacion ta keda habri y a urgi cualkier hende cu informacion relevante na contacta polis.

Den september 2023, outlet di media Britanico Canal 4 y Sunday Times a publica acusacion di 4 hende muhe di agresion sexual of violacion di parti di Brand. E acusadornan no a revela nan identidad publicamente.

E comediante, autor y actor di "Get Him To The Greek" a keda entrevista pa polis tocante e acusacionnan, cual e ta nenga. Den un video

publica diabierna riba X, Brand a bisa cu "nunca mi a participa den actividad sin consentimiento. Mi ta resa cu bo por mira esey pa medio di wak den mi wowo."

El a agrega cu "awo mi ta bay tin e oportunidad di defende mi mes contra e acusacionnan aki den corte y mi ta hopi gradici pa esey."

Conoci pa su rutinanan di stand-up riesgoso, Brand tabata locutor di radio y television, a skirbi memoir unda e ta conta su batayan cu droga y alcohol, a aparece den varios pelicula di Hollywood y tabata casa brevemente na Katy Perry entre 2010 y 2012.

Den a anan recien, Brand a grandemente dispare for di media comun pero a crea un base di fanatico grandi online cu videonan cu ta mescla teorianan di conspiracion cu bienestar. Recientemente el a bisa cu el a muda pa Merca.

BANKOMATIKO+ SPECIAL PICKUP SATURDAY

April 12, 2025 | ABC Branch (Hyatt Place Aruba Airport) | 10 AM - 2 PM

E dia aki ta specialmente pa clientenan cu ainda no a busca nan tarheta nobo di Bankomatiko+.

Pa un dia so riba diasabra 12 di april nos lo habri specialmente pa clientenan por pasa busca nan tarheta.

Pa e dia aki so e punto central pa e pickup lo ta ABC Branch (den Hyatt Place Aruba Airport).

E orario lo ta di 10:00 AM te cu 2:00 PM.

Nos ta recorda tur cliente pa trece un identificacion valido manera cu ta e caso pa tur transaccion bancario.

Probeca di e dia special aki, ya cu dialuna tur tarheta lo wordo manda bek pa e branch designa.

Si tin cualke pregunta por favor tuma contacto cu nos via eAmigo LIVE CHAT of Whatsapp.

Club di futbol ta gana apelacion di multa pa fanaticonan gritando ‘UEFA Mafia’ cu intencion satirico

(AP) — Den un prueba legal di libertad di expresion den futbol, e club Noruego Brann a bisa diadomingo cu el a gana un caso na e corte mas halto di deporte tocante fanaticonan cu tabata grita “UEFA Mafia.”

E apelacion di Brann na e Corte di Arbitrahe pa Deporte a keda sosteni pa anula un multa di 5.000 euro imponi pa e instancia di futbol Europeo UEFA aña pasa pa motibo di e canto durante un wega na cas den e Champions League di Hende Muher contra St. Polten di Austria.

E huesnan di CAS a acepta cu tabatin intencion satirico na e canto cu “no por ser considera ofensivo of provocativo” manera e acusacion disciplinario di UEFA a declara, Brann a bisa den un declara-



cion ariba su website.

“Den un mundo caminda libertad di expresion ta bou presion, esaki ta un huicio importante y corecto,” presidente di Brann, Aslak Sverdrup, a bisa den e declaracion.

UEFA rutinamente ta habri casonan disciplinario contra

clubnan di ken nan fanaticonan ta usa e lema “UEFA Mafia” riba pancarta y den canto durante weganan internacional cu e ta organisa.

Den e caso di Brann, UEFA a bisa diadomingo, e perdida den corte tabata “solamente pa motibo di e circunstancianan realmente extraordinar-

io di e caso y e base di prueba fin disponibel.”

Un caso mas confrontativo e temporada aki a mira UEFA duna orden na Borussia Dortmund pa paga 35.000 euro na october aña pasa despues cu e fanaticonan a mostra un banner gigante durante un wega contra Celtic criticando e reformaton di e Champions League masculino cu awor tin mas ekipo, wega y placa di premio.

Dortmund a ser acusa pa “transmiti un mensahe cu no ta apto pa un evento deportivo,” pa un presentacion cu a inclui e frase dirigi na UEFA: “Tur loke bo ta preocupa cune ta placa.”

UEFA a haya algun sosten di huesnan di CAS den e caso di Brann cu a bay di acuerdo cu “Mafia di UEFA” por ta inacceptabel.

“Di ningun manera CAS a afirma cu libertad di expresion por hustifica cu ‘fanaticonan’ ta haci declaracionnan ofensivo,” UEFA a bisa.

En bes di esey, e peso di prueba mester cay riba UEFA pa muestra cu e lema ta ser usa den un contexto ofensivo y provocativo, Brann a bisa, prome cu e corte publica detayenan di su veredicto dentro di algun dia.

“CAS a confirma cu ‘UEFA tin e interes regulatorio legitimo di sigura seguridad publico y preveni desordo of conducta incorrecto durante un partido di futbol,” UEFA a bisa, primintiendo cu su organonnan hudicial “lo sigui aplica nan politica di cero tolerancia contra comportacion inapropia.”

Max Verstappen ta wanta McLaren pa gana su di cuater Grand Prix consecutivo na Hapon

(AP) — Max Verstappen a gana e Gran Prix di Hapon diadomingo pa su prome victoria di e temporada aki den di e di tres di 17 careda pero tabatin mester di un estimulacion cu su ingeniero di e ekipo di Red Bull a yama “perfeccion” pa hacie.

Esaki tabata e di cuater victoria consecutivo di Verstappen riba e circuito di Suzuka den centro di Hapon y ta kibra e impulso di McLaren di Lando Norris y Oscar Piastri, kendenan a gana e prome dos careda di temporada na Australia y China.

“Nos tin trabou pa haci ainda,” Verstappen a bisa. “Pero e ta mostra cu si nos logra tur cos nos por yega.”

E cuater-biaha campeon defensor di Formula 1, Verstappen a cuminsa for di pole position despues di a pone un tempo di record den clasificacion, loke el a yama “increibel.” Norris a keda di na di dos luga y Piastri a keda na di tres. E pista tabata seco a pesar di awasero mas trempan den dia pa produci un careda sin incidente.

Charles Leclerc di Ferrari a termina na di cuater sigui pa George Russell di Mercedes y su compaño Kimi Antonel-



li na di seis. E piloto Hapones Yuki Tsunoda a termina na di 12 den su prome careda cu e top team di Red Bull.

“Nos ta sigui pusha,” Verstappen a bisa. “Increibel. Un fin di siman grandi pa nos.”

Norris ta lidera e posicion di e pilotonan despues di tres di 24 careda cu 62 punto pa 61 pa Verstappen.

Despues di e careda, Verstappen a saluda e fabricante di motor Hapones Honda, cu e temporada aki lo termina su careda di suministra e ekipo

di Red Bull. Y naturalmente e triunfo a bin riba e circuito di Suzuka, cual Honda ta core.

“Si tabata dibertido, djis mester a pusha hopi duro na final,” Verstappen a bisa. “E dos McLarennan tabata pusha hopi duro. Nos no a para cu e mehoracion di e auto y awe e tabata den su mihor forma.”

“Naturalmente, cuminsando na pole position — esey ta loke a hacie posibel pa gana e careda aki.”

Norris a keda tras di Verstap-

pen pa casi henter e careda, sin por a pas’e riba e circuito smal di Suzuka.

“Mi por a mira Max basta cla pa henter e careda pero simplemente no por a haci ningun entrada,” Norris a bisa, sin ta sorprendi cu Verstappen tabata perfecto y no a lag’e ningun apertura.

“Mi no mester di niun hende pa bisa mi kico Max ta capaz di haci,” el a bisa.

Piastri y Norris tur dos a sugeri cu nan autonnan tabata un poco mas liher cu mayoria

e temporada aki. Pero e gap entre e otro coredornan Red Bull, Mercedes y Ferrari ta chikito.

“Mi ta kere cu nos tin un bentaha chikito”, Piastri a bisa. “Pero cualkier eror chikito y tin hopi competencia eyan pa capitalisa.”

E comienso di diadomingo tabata limpi cu Verstappen tumando e bentaha cu e miho titularnan riba e grid cayendo den liña su tras. Verstappen a stretch su bentaha poco poco y tabata dos seconde dilanti di Norris despues di e di 10 di 53 buelta y a mantene e mesun bentaha despues di ronda 15.

Antonelli a brevemente lidera meymey di e careda ya cu el a keda pafo mas largo ariba su prome set di taira. Na 18 aña el a bira esun di mas jong cu a yega di dirigi un careda di F1. Ademas, e tabatin tambe e buelta mas liher — esun di mas jong pa haci esey tambe.

Verstappen tabata back den bentaha despues di 32 buelta, solamente 1.3 seconde dilanti di Norris y 3.4 mas riba Piastri. Riba e di 36 buelta e radio di e ekipo a bis’e: “di aki cuminsa pusha.”

Y esey mes e la haci, pa gana su di 64 careda den su carera.

AI ta pronostica atake di curason repentino dlanan prome cu e atake

(Scitechdaily) – AI awor por pronostica aritmia di curason mortal te cu dos siman di antemano, posiblemente transformando cuidu cardiaco.

Inteligencia artificial por hunga un rol clave den prevencion di hopi caso di morto cardiaco diripiente, segun un estudio nobo publica den e European Heart Journal. Investigadornan di Inserm, Paris Cité University, y e grupo di hospital publico di Paris (AP-HP), den colaboracion cu coleganan na Merca, a desaroya un red neural artificial modela riba e cerebro humano.

Door di analisa datonan di mas cu 240.000 electrocardiogram ambulatorio (ECG), e algoritmo di inteligencia artificial por a identifica pashentnan cu riesgo halto di experencia un aritmia cu por menasa bida pa causa di paro cardiaco dentro di dos siman—cu un exactitud cu ta surpasa 70%.

Morto cardiaco diripiente ta tuma mas cu 5 miyon bida mundialmente tur aña. Hopi biaha, e sucesonan fatal aki ta sosode sin advertencia, afectando individuonan sin diagnosis previo di malesa di curason.

E estudio aki ta destaca e potencial di AI pa significantemente mehora e deteccion trepan di aritmia peligroso, ritmonan di curason abnormal cu por conduci na un paro cardiaco diripiente, door di identifica pashentnan na riesgo prome cu sintomanan aparece.

Desaroyando un inteligencia artificial cu ta imita e cerebro

Como parti di e estudio aki, un red di neuronnan artificial a ser desaroya



pa un ekipo di ingeniero di e compania Cardiologs (grupo Philips) den colaboracion cu e universidatnan di Paris Cité y Harvard. Loke e algoritmo aki ta haci ta imita e funcionnan di e cerebro humano pa asina mehora e prevencion di morto repentino cardiaco.

E investigadornan a analisa varios miyon ora di batimento di curason danki na datonan di 240.000 electrocardiogram ambulatorio colecta for di seis pais (Merca, Francia, Reino Uni, Surafrica, India y Republica Checo).

Danki na inteligencia artificial, e investigadornan por a identifica señalnan debil nobo cu ta anuncia e riesgo di aritmia. Nan tabata particularmente interesa den e tempo necesario pa stimula y relaha e ventrikelnan di curason electricamente durante un ciclo completo di contraccion y relajacion cardiaco.

Señalnan predicible nobo identifica

“Door di analisa nan señal electrico pa 24 ora, nos a realisa cu nos por identifica e suhetonan susceptibel pa desaroya un aritmia di curason serio dentro di e proximo dos simannan. Si no ser trata, e tipo di aritmia aki por progresa den direccion di un paro di curason fatal,” Dr. Laurent Fiorina ta splica, prome autor di e estudio, investigador di e Centro di Investigacion Cardiovascular di Paris (PARCC) (Inserm/Paris Cité University), cardiologo na Cardiovascular Institute Paris-Sud (ICPS) (Ramsay, Massy), y director medico encarga cu inteligencia artificial na Philips.

Mientras cu e red neural artificial ta den fase di evaluacion ainda, el a muestra su mes den e estudio aki di ta capaz pa detecta pashentnan na riesgo den 70% di casonan, y pashentnan sin riesgo den 99.9% di casonan.

Den futuro, e algoritmo aki por ser usa pa monitor pashentnan na riesgo den hospitalnan. Si su rendimiento ta refina, e tambe por ser usa den aparatonan manera Holters ambulatorio cu ta midi presion di sanger pa revela riesgonan di hipertension. E por hasta ser usa den smartwatch.

Un cambio di paradigma den pronostico di riesgo cardiaco

“Loke nos ta propone aki ta un cambio di paradigma den prevencion di morto repentino,” Eloï Marijon, director di investigacion di Inserm na PARCC (Inserm/Paris Cité University), profesor di cardiologia na Paris Cité University y hefe di e departamento di cardiologia na Georges Pompidou European Hospital AP-HP, a bisa.

“Te awor nos tabata purba di identifica pashentnan na riesgo riba termino mediano y largo, pero no tabata capaz pa pronostica kico por pasa den e minutnan, oranan of dianan cu ta precede un paro di curason. Awor, danki na inteligencia artificial, nos por pronostica e sucesonan aki riba termino hopi cortico y potencialmente tuma accion prome cu ta mucho laat.”

E investigadornan awor ta desea di conduci estudionan clinico prospectivo pa test e eficiencia di e modelo aki bou di condicionnan di mundo real. “Ta esencial pa e tecnologia aki ser evalua den pruebanan clinico prome cu ser usa den practico medico,” Dr. Fiorina ta insisti. “Pero loke nos a muestra caba ta cu AI tin e potencial pa radicalmente transforma e prevencion di aritmianan serio.”

Empleadonan di Microsoft ta protesta durante fiesta di 50 aniversario pa motibo di contrato di Israel

(AP) - Un protesta pro-Palestino di empleadonan di Microsoft a interumpi e celebracion di 50 aniversario di e compania diabierna, e ultimo reaccion riba e trabou di e industria di tecnologia pa suministra tecnologia di inteligencia artificial na e ehército Israelí.

E protesta a cuminsa ora CEO di Microsoft AI Mustafa Suleyman tabata presenta actualisacionnan di producto y un vision pa e producto asistent di AI di e compania, Copilot, na un publico cu a inclui co-fundador di Microsoft Bill Gates y ex-CEO Steve Ballmer.

“Mustafa, berguensa riba bo,” e empleado di Microsoft Ibtihal Aboussad a grita mientras e tabata cana den direccion

di e escenario y Suleyman a para su discurso. “Bo ta pretende cu bo ta preocupa pa usa AI pa bon pero Microsoft ta bende armanan di AI na e militarnan Israelí. 55 mil hende a muri y Microsoft ta stimula e genocidio aki den nos region.”

“Danki pa bo protesta, mi ta tende bo,” Suleyman a bisa. Aboussad a sigui, gritando cu Suleyman y “tur di Microsoft” tabatin sanger riba nan man. Tambe el a tira riba e escenario un sjaal di keffiyeh, cu a bira un simbolo di sosten pa e pueblo Palestino, prome cu el a ser saca for di e evento.

Un di dos manifestante, empleado di Microsoft Vaniya Agrawal, a interumpi un otro parti di e celebracion durante cual Gates, Ballmer y CEO actual Satya Nadella tabata

riba escenario, e prome reunion publico for di 2014 di e tres hombernan cu tabata CEO di Microsoft.

Un investigacion di The Associated Press a revela na comienso di e aña aki cu modelonan di inteligencia artificial di Microsoft y OpenAI a ser usa como parti di un programa militar Israelí pa selecta metodonan di bombardeo durante e gueranan recién na Gaza y Libanon. E storia tambe tabata contene detayenan di un atake aereo di Israel eroneo na 2023 cu a dal un vehiculo cu tabata transporta miembronan di un famia Libanes, matando tres mucha muher y nan wela.

“Nos ta provee hopi manera pa tur bos por ser scucha,” un declaracion di e compania a bisa diabierna. “Importante ta



cu nos ta pidi pa esaki ser haci di un manera cu no ta causa un interrupcion di negoshi. Si esey sosode, nos ta pidi participantenan pa muda. Nos ta compromete na garantis cu nos practicanan di negoshi ta mantene e normanan di mas halto.”

Microsoft a nenga di bisa si

e tabata tumando mas accion. Aboussad a conta AP cu e no a tende nada ainda di e compania pero e y Agrawal tur dos a perde acceso na nan cuentanan di trabou despues di e protesta y no por a drenta back, un posibel indicacion cu nan ta ser kita for di trabou.

Truck a pasa ranca waya cu ta colga mucho abao

Diabierna mainta a drenta informe di un incidente na Ayo, mesora a dirigi un patruya na e sitio.

Na yegada di e patruya a bin compronde cu aki ta trata di un truck cu lo a pasa ranca 2 waya cu ta colga hopi abao y un di nan a kibra mientras cu e otro lo a keda riba e truck. Na yegada di ELMARNV nan a kita e waya for di e truck y a repara e situacion.



Chauffeur di un Hyundai a slip y pa falta di mantene distancia a bay dal tras di un Yaris



Diahuebs anochi laat a drenta informe di un accidente dilanti TopFM na Santa Cruz, mesora a di-

rigi un patruya na e sitio. Na yegada di e patruya a bin compronde cu aki ta trata di

un accidente unda cu awa a yobe un tiki y autonan tabata slip.

E chauffeur di un Hyundai no a regula su velocidad ni a mantene distancia y a slip bay dal tras di e Yaris su dilanti.

Afortunadamente ningun hende a resulta herida.

Chauffeur a reverse y bay dal riba palo di luz na Paradera



Diabierna mainta a drenta informe di un accidente dilanti Good lock and Key Service, mesora a dirigi un patruya na e sitio.

Na yegada di e patruya a bin compronde cu aki ta trata di un Ford Escape cu ora a bay reverse a dal riba e palo di lus. Afortunadamente ningun hende a resulta herida.

Chauffeur a bira dilanti auto y causa un accident

Diabierna mainta a drenta informe di un accidente na e pompstation na Wayaca, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Nissan a bay bira pa drenta e pompstation ora cu un Kia Soluto tabata bini y e auto a dal e front.

Afortunadamente ningun hende a resulta herida.



Accidente cu herido na crusada Emanstraat/Emmastraat



Diaranson atardi a drenta informe di un accidente cu hende herida na e cru-

sada Emanstraat/Emmastraat.

Mesora a dirigi un patruya na e sitio. Na yegada di e patruya a bin compronde cu chauff-

feur di un V-car lo no a duna preferencia y a dal den un otro auto. E impacto tabata

fuerte y ambos auto a ricibi daño. A tuma datos di e accidente aki.


Accidente hit & run dilanti oficina di Ocean Drive Car Rental na Morgenster

Diaranson mainta a drenta informe di un accidente dilanti Ocean Drive Car Rental, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run. Pa casualidad e camara di seguridad a capta full e accidente aki.




Chauffeur di un Kia Rio a bay dal tras di un Toyota Jewela



Diaranson atardi a drenta informe di un accidente pariba di rotonde Cumana, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda

e chauffeur di un Kia Rio yegando e rotonde no a regula su velocidad ni a mantene distancia y a bay dal tras di un Toyota Jewela. Afortunadamente ningun hende a resulta herida.

Pick up no a wak truck y a dal den dje na Santa Cruz



Diaranson merdia a drenta informe di un accidente na Santa Cruz dilanti 88 food Mart. Mesora a dirigi un patruya na e sitio.

Na yegada di e patruya a bin compronde cu chauffeur di un pick-up oranje lo no a wak e truck geel y a bay dal

den dje. Afortunadamente ningun persona a resulta herida. A tuma datos di e accidente aki. 1111

Pick-up a reverse for di parking lot y a dal den un SUV

Diamars merdia a drenta informe di un accidente na Zandstraat. Mesora a dirigi un patruya na e sitio. Na yegada di e patruya a bin

compronde cu chauffeur di un pick-up lo a reverse for di parking lot di La Granja Oranjestad y a dal den un SUV cu lo a bira.



Accidente ora cu un motociclista a bay parkeer den Avenida Milio Croes

Diahuebs merdia a drenta informe di un accidente na Avenida Milio Croes, mesora a dirigi un patruya na e sitio.

Na yegada di e patruya a bin compronde cu aki ta trata di un accidente minimal unda un pick-up a pasa rasca un brommer ora cu esaki a bay parkeer. Afortunadamente e motociclista no a resulta herida.



Chauffeur a bay dal un U-turn net ora trafico contrario ta bini!



Diahuebs mainta a drenta informe di un accidente cu hende herida pabao di rotonde Tanki Flip, mesora a dirigi tanto polis como ambulans na e sitio.

Na yegada di e patruya a bin compronde cu e dama chauffeur di e Nissan March a bay dal un U-turn pabao di e rotonde net ora cu un van Hyundai Staria ta bini di direccion contrario pa

cual e van a perde control y a bay cay den e canal. Debi na e impacto e dama chauffeur di e Nissan March a resulta herida, na yegada di e ambulans nan a atende e dama y a transporte pa hospital.

Accidente pa falta di preferencia na crusada Van Leeuwenhoekstraat

Diahuebs atardi a drenta informe di un accidente na e crusada Van Leeuwenhoekstraat cu De La Sallestraat, mesora a di-

rigi un patruya na e sitio.

Na yegada di e patruya a bin compronde cu aki ta trata di un accidente chikito pa falta

di preferencia. Afortunadamente ningun hende a resulta herida.



Sushi na candela den cura a hera pega cas na candela



Diahuebs anochi a drenta informe di cu tin un candela den cura cu ta menasando un cas na Madiki,

mesora a dirigi tanto polis como bomberonan na e sitio.

Na yegada di e patruya a bin compronde cu aki ta trata di poco sushi cu nan a pega na candela pero esaki a bira de-

masiado grandi y tabata menasa e cas. Na yegada di e bomberonan mesora nan a combati e candela y a evita e

candela sigui pa e cas.

Pushinan di bodega ta alegre curason di residentenan di New York, aunke nan ta viola regulacionnan estatal

(AP)—E “pushinan di bodega” di New York City ta stima cu hopi cariño den e gran ciudad — pero nan ta biba n’e banda ilegal di ley.

E pushinan di bodega cu ta biba den hopi tienda chikito y ‘deli’ den e ciudad ta parce inocente, pasando nan dia di lanti bentana relajando bao solo of drumiendo den rekinan di snack mientras nan ta haya cariño di bishitantenan.

Pero segun ley estatal, ta prohibi pa tin mayoria bestia den tienda cu ta bende cuminda. Doñonan di bodega por riesga multa si nan pushi ta ser gara ta drumi cerca di blekinan di tuna of papel di baño.

E posesion legal fragil di e pushinan a bin den bista nobo recientemente ora un peticion a cuminsa circula online pa pidi e ciudad proteha doñonan di pushinan di bodega di multa. Mas di 10.000 hende a firma e peticion aki.



Pero pa inspecciona bodeganan ta un responsabilidad estatal. Departamento di Agricultura y Mercado di Estado di New York a bisa den un

declaracion cu nan meta ta pa sigura cumplimento cu ley y regulacionnan di salubridad di cuminda. Nan a agrega tambe cu inspeccionadornan



ta purba duna “recursonan educativo y e opcion pa tuma medidanan corectivo” prome cu nan pensa riba multa.

Hopi fanatico ta bisa cu e pushinan mes ta yuda tene e tiendanan limpi, debi cu nan ta spanta otro criatura tipico di ciudad di New York City, manera raton y kakalaka. Pero algun doño di tienda ta bisa cu e trabou mas importante di e pushinan ta atrae cliente.

Na un bodega na Greenpoint, Brooklyn, un pushi shinishi y blanco yama Mimi a bira un atraccion masha famoso despues cu un cliente

a pone un video di dje riba TikTok cual mas di 9 miyon hende a mira.

Sydney Miller, e cliente cu a comparti e video, a bisa cu e experiencia a yuda hende forma un relacion duradero cu e cuidador di Mimi, Asam Mohammad, un inmigrante Yemeni cu ta biba na Merca apenas algun aña. “Na final di dia, e pushinan ta simbolo di comunidad y e conexion special y unico cu por pasa den un ciudad manera New York City,” Miller a bisa. E ta un poeta y creador di contenido digital.

Mohammad a bisa cu un di e yiunan di Mimi, un pushi blanco yama Lily, tambe ta hopi popular cu clientenan awor. “E ta purba hunga cu tur hende,” Mohammad a bisa. “Prome tabata Mimi, pero awor tur di nan ta famoso.”

Un otro yiu di Mimi, Lionel, ta biba den un otro bodega cerca cu ta pertenece n’e mesun famia, unda e ta hopi mas cu un solamente un bendedor of un tecnico di pest control.

Riba un atardi recien, primo di Mohammad, Ala Najl — un Musulman — tabata ayudando pa Ramadan for di 5or di mainta y tabatin un ora y 17 min mas pa bay. Sintiendo un tiki cansa, Najl a scoge pa hunga cu Lionel. El a habri su tapijt di oracion cora, y a uza esey pa tenta Lionel den un hungamento di tira y rancia. E hungamento cariñoso a yuda distrae Najl mientras e tabata combati su hamber. “Si, e ta yuda mi cu esey,” Najl a bisa.

Na un otro bodega na Greenpoint, doño di tienda Salim Yafai a bisa cu su pushi, Reilly, ta asina popular cu un cliente di hopi aña mes a purba cumpra e pushi, pidiendo Yafai pa un prijs. “Mi a bis’e \$10.000. El a bisa mi \$1.000. Mi a bis’e, ‘No.’” Yafai a bisa.

Resultado Sorteo
5 y 6 April 2025

Cadena Alexander Lottery ta presenta resultado di weganan di suerte

DIARIO				DIADOMINGO			
KORSOU	SUPER4	FLAMINGO		KORSOU	SUPER4	FLAMINGO	
8991	2659	1625	1206	0891	2659	1625	1206
2434	8238	SUPER5	2843	2434	8238	SUPER5	2843
4782	5507	-	6748	4782	5507		6748

MERDIA

ANOCHI

DIADOMINGO MERDIA

GATOCUIL	GATOCUIL	LOTTO 5	02-11-12-26-31	GATOCUIL	LOTTO 5	Joker Letter C
Sorteo # 4585	Sorteo # 8515	Sorteo # 2582	Joker 23 Letter C	Sorteo # 4586	Sorteo #	Joker Letter
0696	5690	0 x Jackpot	Proximo Jackpot	5897	0 x Jackpot	Proximo Jackpot
4482	7782	0 x Match 4+		6826	0 x Match 4+	
3568	3834	10 x Match 4	280.000,-	5481	0 x Match 4	280.000,-
X2	X2	227 x Afl. 12,00		FP	0 x Afl. 12,00	
BIG 4	BIG 4		02-13-14-15-16	BIG 4		03-04-10-15-28
Sorteo # 4585	Sorteo # 7559	Sorteo # 6791	Proximo Jackpot	Sorteo # 4586	Sorteo # 6792	Proximo Jackpot
3476	4604	0 x Jackpot	67.000,-	3334	0 x Jackpot	70.000,-
X2	X2	8 x Match 4		X2	12 x Match 4	
OFF	OFF	122 x Afl. 8,00		OFF	127 x Afl. 8,00	
Sorteo # 2641	Sorteo # 2264			Sorteo # 2642		
1459	0631	MEGA	Mega Ball	7130	Sorteo #	Mega Ball
ZODIAC	ZODIAC	0 x Jackpot	Proximo Jackpot	ZODIAC	0 x match 4	Proximo Jackpot
Sorteo # 4585	Sorteo # 6318	0 x match 4	350.000,-	Sorteo # 4586	0 x Afl. 500,00	350.000,-
9898	8467	0 x Afl. 500,00		0879	0 x Afl. 500,00	
Piscis	Aries	0 x Afl. 50,00	Afl. 520.000,-	Leo	0 x Afl. 15,00	Afl. 520.000,-
LUCKY 3	LUCKY 3	MEGA PLUS		LUCKY 3		
Sorteo # 1459	Sorteo # 1248	KORSOU		Sorteo # 1460	Sorteo #	
805	658	Sorteo #		342		
X2	FP			X2		



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Sta. Cruz: San Lucas
Tel. 585 8028 Tel. 584 5119

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Turtuga Galapagos na zoologico di Philadelphia ta bira mayor pa prome biaha cu casi 100 aña di edad

(AP) - Un pareha di turtuga Galapagos cu ta criticamente den peliger di extincion y tin casi 100 aña di edad na zoologico di Philadelphia a bira mayor pa prome biaha.

Den un anuncio diabierna, e zoologico a bisa cu e ta "contento" cu e yegada di 4 yiu, e prome den su historia di mas di 150 aña. E babynan ta yiu di e muhe Mommy y e homber Abrazzo, e zoologico su 2 residente mas bieu.

E quartet ta manteni tras escena dentro di Reptile and Amphibian House pa awo, "comiendo y creciendo apropiadamente," e zoologico a informa. Nan ta pisa entre 70 pa 80 gram, mas o menos e tamaño di un webo di galiña. E prome a sali di su webo dia 27 di februari y mas di nan cu ainda por sali ta bao monitoreo di e zoologico su ekipo di cuida pa bestia.

"Esaki ta un logro significativo den e historia di Philadelphia Zoo, y nos no por ta mas contento di comparti e noticia aki cu nos ciudad, region y henter mundo," President y CEO Jo-Elle Mogergerman a bisa den un declaracion.

"Mommy a yega e zoologico den 1932, cual ta nifica cu cualkier persona cu a bishita e zoologico den e ultimo 92 aña probablemente a mir'e," el a comenta. "Philadelphia Zoo su vision ta pa e



babynan aki forma parti di un poblacion exitoso di turtuga Galapagos riba nos planeta saludable 100 aña den futuro."

Mommy ta considera un di e turtuga Galapagos geneticamente mas valioso den Association of Zoos and Aquariums su plan di sobrevivencia pa especie. Tambe e ta e

mama pa prome biaha mas bieu di e especie Galapagos. E ultimo grupo di e turtuganan aki cu a nace na un zoologico acredita pa AZA tabata den 2019.

E zoologico tin plan di debuta e babynan dia 23 di april, ademas di tin un competencia pa nombra nan.

Pronostico di tempo

Tempo:

Awe nochi: levemente te parcialmente nubia y generalmente seco
Den marduga y mañan: parcialmente nubia cu un awasero pasahero

Temperatura maximo 32
grado Celsius

Temperatura minimo 26
grado Celsius

Indice di calor (heat index) den y rond di oranan di merdia: 33 pa 38 grado celsius

UV index: 12

Bahada di solo : 6:51 pm
Subida di solo : 6:33 am

Biento:

Moderate te basta fuerte for di direccion oost; Forsa 4 te 5 (20 te 39 km/ora, 11 te 21 nudo)

Den di dia fuerte te posiblemente duro den rafaga; Forsa 6 te 7 (40 te 61 km/ora, 22 te 33 nudo)

Situacion general di tempo: Diferencianan di presion den Caribe ta grandi pero lo baha un tiki den weekend, permitiendone biento tambe baha un poco.



De bes en cuando algun area di nubia lo pasa den region y por produci un awasero pasahero localmente. Stof fini di Sahara den concentracionnan varia lo stroba visibilidad un poco durante proximo dianan. Personanan cu sensibilidad pa cambio den calidad di aire mester tene esaki na cuenta.

Condicionnan maritimo/estado di lama:

Na partinan protegi di costa: keto, rond di 1 pia.

Na partinan zuid: modera, lama 2 pa localmente 3 pia.

Na partinan oost te noordwest di costa: Modera te localmente bruto cu olanan di 4 pa 8, localmente 9 pia.



Aurora

Royal Pray

Funeral Home & Crematory

"Ik heb van het leven genoten, maar mijn reis is ten einde."
Wij danken de Heer voor al de jaren die hij hem geschonken heeft.
"Zoals de hemelen hoger zijn dan de aarde, zo zijn mijn wegen hoger dan uwe wegen en mijn gedachten dan uw gedachten". Jesaja 55:9

Met diep leedwezen maken wij het overlijden bekend van onze dierbare vader, grootvader, overgrootvader, broer, en oom:



André Arnoud Herts
 *30 januari 1946 – †30 maart 2025

Names zijn kinderen:
 Henry André Herts, "Boyke" en echtgenoot José en familie
 Andrea Herts

Ex vrouw en moeder van zijn kinderen:
 Norma Gumbs

Kleinkinderen:
 Samuel Herts en echtgenoot Tjalls en familie
 Nikki Herts

Achterkleinkind: Liva Herts

Broers en Zussen:
 Louise Todd – Herts en echtgenoot Ramon en familie
 Yvonne Herts en familie
 Olga Herts
 Wilma Herts en familie
 Franklin Herts en familie
 Maria Herts en familie
 Iwan "Honey" Herts en echtgenote Carlota en familie
 Gerdientje Woods-Herts en echtgenoot
 Christopher en familie
 Hetty Herts

Neven en nichten.

Familieleden:
 Herts, Rijgersberg, Çelik, Doelwijt, Telting, Helder, Hooghart, van Engel, Blackman, Smit, Todd, Vrutaal, Woods, Woodley, Gumbs, Romney, Leissius, Cornes, Oedit, Wellington-Blackman, Hooghart-Nicolina, Cyril/August Lou, Starke, van Varseveld.

Buren van Pos Chiquito en Dakota en vrienden van Asia Sranang, Mangel Halto, Palmita.

Er is gelegenheid om persoonlijk afscheid van André te nemen, op maandag 7 april, 2025, van 2pm tot 4pm in Aurora Funeral Home te Cumana #76. De crematie vindt in besloten kring plaats.

Onze welgemeende excuses als wij in ons verdriet vergeten zijn familieleden of vrienden te noemen. Helaas kunnen wij na de uitvaartdienst geen condoleances meer in ontvangst nemen.

Aurora

Royal Pray

Funeral Home & Crematory

Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu inmenso dolor na nos curason, Nos ta participa fayecimento di nos ser stima:



Vera Florencio
 *29-05-1940 - † 02-04-2025

Na nomber di su yiunan:
 Aura Gomez-Flanegin y Patrick Gomez y famia
 Juliana Flanegin y famia
 Glenda Djaoen-Flanegin y Cornel Djaoen y famia
 Olivio Florencio y Minerva Geerman y famia
 Lisandro Florencio y Gricél Florencio-Muyale y famia

Su nieto- y nietanan stima:
 Kenson Tielman y Mia Savardottir
 Ilviene Martis-Antersijn y Shurviendell Antersyn
 Minorca Martis
 Michael Croeze y Merveline de Cuba
 Anuska Croeze-Roos y Xavier Roos
 Luigi Kelkboom y Juniara Kelkboom-de Kort
 Jennifer Florencio
 Kimberly Florencio
 Chanille Florencio
 Vera Hulsman-Florencio y Yorick Hulsman
 Frans Florencio
 Nino Ortonio
 Zahira Florencio

Su bisanieto- y bisanietanan stima:
 Lea Tielman
 Rayviendell Antersyn
 Jahviendell Antersyn
 Sheqeon Croeze y Denise Acosta Castro
 Glandeline Croeze y Ergie Curié
 Jesmilaine Croeze
 Mikeyla Croeze
 Kevin Roos
 Kadey Roos
 Jemy Roos
 Luigi-Ann Kelkboom
 Ludmar Kelkboom
 Judeon Kelkboom
 Juliano Kelkboom
 Junuar Kelkboom
 Luxion Kelkboom
 Shandromar Florencio
 Cheniqua de Jonge
 Elysia Hulsman
 Lois Hulsman

Su tatara nieto- y nietanan:
 Shamara Croeze
 Ergéan Curié

Tur su rumannan defunto den Feliz memoria y nan famia, Tur subrino- y subrina nan.

Famianan:
 Florencio, Gomez, Flanegin, Djaoen, Zimmerman, Geerman, Muyale, Tielman, Savardottir, Martis, Antersyn, Croeze, Roos, Curié, Kelkboom, de Kort, de Cuba, Hulsman, Santiago, Kock, Navas, Peña, Wernet, Lampe, Yarzagaray, de Jonge

Nos ta pidi disculpa si den nos tristeza nos por a lubida un of otro famia.

Restonan mortal lo ta reposa den Royal Funeral Home dialuna 7 di April 2025 di 2pm – 4pm. Despues lo sali pa Santana de Vriez na Sta. Cruz.

Nos ta lamenta cu despues di entierro nos no ta ricibi bishita na cas.

Aurora

Royal Pray

Funeral Home & Crematory

Om Shanti



Bharti Korani
 *5 August, 1979 - † 3 April, 2025

With profound grief & sorrow in our heart we announce the passing away of our dearest Bharti Korani.

With profound love and respect, we honor the life of our beloved mother, wife, daughter, sister. A selfless and loving mother whose family always came first. Bharti knew only kindness in her heart and made sure that everyone around her felt that love and happiness.

Wife of: Rajesh Korani

Loving Mother of: Khushi & Kashish Korani

Daughter of: Mrs. Anju Nichani (India) & Late Shri Chander Prakash Nichani

Sister of: Mitesh, Soniya, Bhuvi & Navi Nichani, Jyoti (Noori), Neha & Deepesh Rupani (India)

Daughter in-law of: Mr. Suresh Kumar & Kamla Korani (India)

Aruba Family: Pitamber (Peter) & Naina Alwani, Girish, Bindiyaa, Krishna & Karan Alwani, Satish Alisha, Divesh & Ritesh Alwani

Curacao Family: Dilip, Harsha, Sanya, Lara & Hitesh Rawani

India Family: Ishwar & Janki Korani, Lalit & Heer Korani, Ravi & Simran Korani, Naraindas & Sunita Rawani, Motumal & Bharti Tikyani

Cousins: Poonam Sajani & Fam (Ind), Sanya, Harish & Dilip Korani, Tanisha, Hitansh, Bhumi, Pari, Chaitanya, Sonali

Family & Friends: Yogesh, Ameesha, Bhavika & Bhrithy Bhambhani, Anoop & Muskaan Motwani, Ravi & Ravina Vaswani, Suresh & Karishma Udhvani, Amit & Neha Valecha, Nilang & Bharti Shah, Manoj & Arpan Motiyani (Cur)
 Relatives: Korani, Nichani, Rawani, Sajani, Tirthani, Aswani, Alwani, Tikyani, Motiyani
 Staff & Management of Little Europe & Time Square Jewelers

We sincerely apologize if any names or families were inadvertently overlooked during this difficult time of grief. Your support and presence mean more to us than words can express.

We deeply appreciate the love & support we have received. We will miss her deeply.

Place: Aurora Royal Pray, Cumana #76, Oranjestad, Aruba.

Date: Monday 7th April 2025 Time: 8:00 AM to 10:00 AM

We are not able to accept condolences at home after the funeral

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23



Cu dolor na nos curason, nos ta participa fayesimento di nos stimada mama, wela, ruman, tanta y amiga

Maria Statius-Krozendijk
*13-12-1926 - †27-03-2025

Esposo: †Ernesto Statius (Neto)

Yiunan:

Gladys Statius
Mildred Rasmijn y Tico Croes
†David Statius
Marlene y Rowald Kelkboom
Edgar y Enny Statius y familia
Charles Statius
Mariska Solognier

Nieto(a)nan: Randall y Carolina Rasmijn y familia, Andre y Yoseila Rasmijn y familia, Janice y Natalien, †Jahaira y familia, Genesis y Ronald Gonzales y familia, †Juni, Yordanoy Ana y familia, Ronald y Julissa Solognier y familia, Natasha y Harold Wernet y familia

Rumannan:

Marcelina Krozendijk y familia
Hendrik Krozendijk y familia

Cuñia: Hilda Falcon-Statius

Tur su rumannan, comer y compernan den Feliz memoria, Sobrino y sobrinanan

Demas familia: Statius, Krozendijk, Kelkboom, Rasmijn, Solognier, Gonzales, Wernet, Faulborn, Falcon, Semeleer, Maduro, Hasham, Webb, Lily Caceres

Nos ta pidi nos disculpa si den nos momento di tristeza nos por a lubida un of otro familia

Ta invita pa e **acto di entierro** cu lo tuma lugar diamars 8 di april 2025 na cas; Sabana Grandi # 38 di 9:00 pa 11:00 di mainta, despues lo sali pa Santana catolico na Sta. Cruz.

Aurora

Royal Pray

Funeral Home & Crematory

Dios ta nos refugio,
E ta nos fortaleza,
El a resulta un yudador den mester.
Salmo 46:1



Cu dolor na nos curason, nos ta participa fayecimento di:

Sra. Marissa Merveil
*08-07-1946 - †03-04-2025

Acto di entierro lo wordo anuncia despues

Ucrania lo manda delegacion Merca otro siman pa dialoga riba acuerdo preliminar tocante recurso mineral



(AP)—Ucrania lo manda un delegacion pa Washington otro siman pa cuminsa negocia riba un version preliminar di un acuerdo cu lo duna Merca acceso na e recursonan mineral valioso di Ucrania, segun minister di Economia Yuliia Svyrydenko a conta The Associated Press.

"E version preliminar di e acuerdo for di Merca ta muestra cu e intencion pa crea un fondo of pa inverti hunto ainda ta presente," Svyrydenko a bisa diasabra, durante un bishita den norte di Ucrania. E delegacion for di Kyiv lo inclui representante di e Ministerio di Economia, Afernan Stranhero, Husticia y Finanzas.

E negociacion largo riba un acuerdo di mineral ya a pone tension riba e relacionnan entre Kyiv y Washington. E dos banda tabata prepara pa firma un acuerdo di base na februari, pero e plan a ser stroba despues di tension durante un reunion den e Oficina Oval entre presidente Mericano Donald Trump, vice-presidente JD Vance y presidente Ucrainiano Volodymyr Zelenskyy. Despues cu algun legislador Ucrainiano a leak e version preliminar, criticonan a ripara cu e documento ta mas manera un intento pa kita control di Ucrania riba su mesun recursonan natural y infraestructura. Segun e documento, e acuerdo ta inclui no solamente mineralnan comun, pero tambe gas y petroleo.

Ucrania tin un deposito grandi mas cu 20 mineral cu Merca ta considera strategicamente esencial, incluyendo titanium (uza pa haci hala di avion), lithium (clave pa hopi tipo di bateria), y uranium (usa den energia nuclear).

E acuerdo preliminar ta refleha solamente e banda Mericano di e acuerdo

A pesar di e interrupcion despues di e reunion den Oficina Oval, oficialnan Ucrainiano a muestra interese den firma e acuerdo di base na cualkier momento, considerando e como un manera pa gana favor di presidente Donald Trump y fortalece sosten di Merca den e guerra contra e invasion total di Rusia.

Despues di algun siman di silencio riba e estado di e acuerdo, Merca a manda un version nobo pa Kyiv, cual ta bay mas leu cu e acuerdo di base original.

No ta cla pa kico Merca a scoge pa scapa e firma di e acuerdo di base y sigui cu un version mas completo, cual probablemente lo mester a ser ratifica pa parlamento di Ucrania. Sinembargo, oficialnan Ucrainiano ta cauteloso ora nan ta papia di e contenido di e acuerdo preliminar, destacando cu e documento actual ta refleha solamente e posicion di Merca.

"Loke nos tin awor ta un documento cu ta refleha e posicion legal di e team di e Tesoro Mericano," Svyrydenko a bisa. "Esey no ta un version final, ni un posicion conhuntito."

El a bisa cu e trabao di Ucrania awor ta pa forma un team tecnico pa e negociacionnan, definiendo e limitenan y principionan basico, y manda un delegacion pa Washington pa dialogo tecnico otro siman caba. "Ta claro cu e parameter completo di e acuerdo no por ser trata online," Svyrydenko a bisa. "Nos mester sinta hunto cu e teamnan y sigui e dialogo den persona."

El a bisa tambe cu nan ta seleccionando un consehero legal, financiero y di inversion. "Esaki ta marca un etapa nobo den relacionnan cu Merca — un cu ta exige experiencia den hopi area," el a bisa. "Na final di dia, tur cos lo ser dicidi durante e curso di negociacionnan."

Ucrania ta buscando condicionnan cu ta aceptable pa ambos banda

Svyrydenko no kier duna detaye publico riba e evaluacion oficial di Ucrania di e version nobo, pero el a nota cu awor tin un documento mas detaya cu ta sketch e creacion di e fondo. Y mientras cu e version inicial tabata concentra riba e intencion pa establece fondo, Svyrydenko a bisa cu e version mas reciente ta detaya cu asesornan Mericano ta visualisa su estructura y operacion.

No ta claro kico lo ta e rol di Ucrania den e maneho di e fondo segun e version nobo Mericano. Pero analistanan cu a wak e documento cu a leak ta bisa cu e envolvimento di Kyiv lo ta probablemente minimo — un punto cu Ucrania kier discuti den e negociacionnan cu ta bin, usando e acuerdo di base previamente acorda como referencia.

Un version anterior di e acuerdo di base, cual The Associated Press a logra obtene, a detaya plan pa un fondo di inversion conhuntito entre Merca y Ucrania, cu e prome obhetivo pa yuda reconstruccion di e economia di Ucrania cu a ser afecta pa guerra. Segun e condicionnan, Ucrania lo asigna 50% di e ingreso den futuro for di su recursonan nacional principal — incluyendo mineral, hidrocarbano, petroleo, gas natural y otro recursonan extractable — na e fondo.

E acuerdo di base, cu nunca a ser firma, a declara cu ingreso for di e recursonan natural lo bay den e fondo y lo ser usa pa reconstruccion di e pais, y no cu e propiedad of control di e recursonan lo pasa pa Merca. "Nos ta pone hopi enfasis cu e version final di e acuerdo, despues di e negociacionnan, mester ta completamente aline cu nos interese strategico," Svyrydenko a bisa. "Mi ta kere cu e trabao riba e memorandum anterior a muestra cu ambos banda por logra esakinan y por yega na condicionnan cu ta aceptable pa tur dos banda."

Aurora

Royal Pray

Funeral Home & Crematory

Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.



Cu inmenso dolor na nos curazon pero conforme cu boluntad di Dios y agradecido pa tur loke e la hasi y significa pa nos, nos ta anuncia fayecimento di nos ser stima:

Maria Jansen
"Mama Ia, Mia of Mama"
*16-09-1942 - †04-04-2025

Acto di entierro lo wordo anuncia despues.

Papa Francisco cu bishita sorpresa na Plaza di San Pedro

Dos siman despues di sali di hospital

(AP)—Papa Francisco a duna un bishita di sorpresa na Plaza di San Pedro durante un misa special di Jubileo diadomingo pa hende malo y trahadornan di salud, marcando su prome aparencia publico den Vaticano despues cu el a sali for di hospital dos siman pasa pa pulmonia.

E papa a saluda e multitud di simpatisante cu tabata para y klap ora el a ser hiba den rolstoel sin anuncia te dilanti na e altar. Algun a grita, “Mi ta mira e Papa!” ora su imagen a sali pa prome biaha riba un pantaya grandi mustrandó e pasando door di e Porta Santo prome cu el a ser hiba abao via un rampa te na e altar.

“Feliz diadomingo pa tur hende,” Francisco a bisa den microfon, tocando e aparato dos biaha pa segura cu e tabata funcionando. “Masha danki.” E bos di e Papa tabata mas fuerte cu ora el a papia cu simpatisantenan pafo di e hospital Gemelli dia 23 di maart, ora cu el a haya aprobacion pa sali despues di cinco siman den hospital.

E tabata bisti cu tubonan den su nanishi pa ricibi oxígeno



suplementario, cual segun e Vaticano ta ser baha gradualmente. Mientras cu e tabata saluda y bendicionando e multitud, su movimiento di brasa tabata limita — pero segun su dokter, esey no tin nada di haber cu su enfermedad, sino cu un herida cu e a sufri prome cu su hospitalisacion dia 14 di februari.

Despues di e misa, e Papa a saluda algun hende cu a yuda den e ceremonia—hopi di nan a buig pa sunchi su man. El a sali for di e plaza via e Porta Santo.

Papa ta comparti su experiencia cu enfermedad Francisco ta cabando dos siman di un periodo di descan-

so di minimo dos luna duna pa su dokter, mientras e sigui terapia fisico, respiratorio y di papiamento, como tambe tratamiento pa un infeccion di su pulmon cu ainda no a pasa.

E Papa a referi na su experiencia cu e enfermedad tanto den su bendicion tradicional di diadomingo como den e sermon lesa pa Arsobispo Rino Fisichella, organisador di e Aña Santo cual ta anticipa pa trece mas o menos 30 milyon peregrino na Roma.

Adresando hende malo presente den e multitud, e Papa a bisa den e sermon cu Fisichella a lesa:

“Den e momentonan aki di mi bida, mi ta comparti hopi:



E experiencia di enfermedad, e sentimiento di debilidad, di depende riba otro pa hopi cos, di mester sosten.”

“No ta facil, pero ta un les cu ta siña nos tur dia pa stima y pa laga nos mes ser stima, sin pidi, sin rechasa, sin lamenta, sin perde fe — y ta gradici Dios y nos rumannan pa tur bon cu nos ricibi, y tin fe den loke ainda por bin.”

E tambe a pidi pa simpatisantenan no pusha hende fragil afo for di nan bida, “manera un cierto mentalidad cu algun hende tin awendia. No kita dolor for di nos ambiente. Laga mi usa esey como un oportunidad pa crece hunto, pa cultiva speranza.”

Den su bendicion tradicional di diadomingo, el a pidi un oracion pa dokter, enfermero y otro trahadornan di cuido medico “cu no semper ta haya sosten pa traha den condicionnan adecua, y cu tin biaha ta bira victima di agresion. Nan mision no ta facil y mester ser sosteni y respeta.”

Simpatisantenan a sinti emocion pa e asistencia inespera di e Papa. “Tabata algo bunita, algo completamente inespera, pasobra mi no tabata kere cu lo mi wak e Papa,” Pasquale Citrolo di Trapani, Sicilia a bisa. “Pero el a duna nos e regalito ey.”

Partido den oposicion na Turkia ta reeligi su lider despues di detencion di alcalde di Istanbul

(AP)—E partido principal den oposicion na Turkia a reeligi su lider diadomingo, dos siman despues di e detencion di e alcalde di Istanbul, e rival mas prominente di presidente Recep Tayyip Erdogan.

Ozgur Ozel a ser reeligi durante un congreso extraordinario di e Partido di Pueblo Republicano (CHP), cu e mes a convoca pa preveni loke el a yama un plan di gobierno pa nombra un “cuidador” provisorio pa e partido.

E detencion di e alcalde opositor di Istanbul, Ekrem Imamoglu, riba cargo di corrupcion, a provoca protestanan anti-gobierno grandi. For di e momento cu el a ser eligi como alcalde di Istanbul na 2019, Imamoglu a bira e desafiante principal di Erdogan su gobierno di 22 aña, tumbando un cuarto siglo di gobernacion di partidonan cu raiznan conservador Islamico.



E oposicion ta afirma cu e cargonan contra Imamoglu tin motibo politico, pero e gobierno ta insisti cu e poder hudicial ta independiente y sin interferencia politico. Mientras e ta den prison, Imamoglu a ser confirma como candidato presidencial di CHP pa e eleccion planea pa 2028 — aunke por anticipa cu e eleccion lo tuma lugar prome cu esey.

Ozel a bisa cu el a tuma e decision pa convoca e congreso di partido dia 21 di maart, dos dia despues di e detencion di Imamoglu y apenas algun ora prome cu e “cuidador” gubernamental lo a ser nombra pa CHP.

“Nan no tabatin curashi pa competi cu nos den servicio, asina cu nan a purba intimidanos municipio y oposicion, usando e poder di gobierno

contra nan rivalnan,” Ozel a bisa durante e asamblea. “Nan ta kere cu nan por keda den poder provocando division entre pueblo y creando conflicto nobo.”

Ex-prome minister di Grecia, George Papandreou, y un delegacion di Partido Socialista Europeo for di Parlamento Europeo a bishita e sede di CHP diasabra pa duna nan sosten y solidaridad cu “tur

hende cu ta luchando pa democracia y estado di derecho den Turkia.” Segun prensa Turco, Papandreou a asisti e congreso di diadomingo tambe.

Erdogan y su partido gobernante Husticia y Desaroyo (AKP) a sufri un golpi duro durante e eleccionnan municipal di aña pasa, ora CHP a logra mantene control riba ciudadnan importante manera Istanbul y Ankara, mientras e partido tambe a logra gana espacio den hopi otro lugar.

Den e lunanan despues di e eleccion ey, hopi alcalde den oposicion di tanto CHP como e Partido di Igualdad y Democracia pa e Pueblo Kurdo (DEM) a ser reemplasa pa “cuidadornan” nombra pa e gobierno riba cargo di terrorismo — un acusacion cu e partidonan ta rechasa fuertemente.

Autoridadnan Libio ta suspende 10 organisacion internacional cu ta duna asistencia crucial na migrante

(AP)—**Autoridadnan na Libia a duna orden na 10 organisacion di yudansa internacional pa suspende nan operacionnan y cera nan oficianan den e pais, acusando e organisacionnan di viola ley local proveyendo yudansa na migrantenan Africano.**

Agencia di Seguridad Interno (ISA) a bisa den un declaracion

cu e organisacionnan humanitario ta violando e ley por medio di duna varios tipo di yudansa cu por facilita instalacion di migrantenan Africano den e pais.

“Nos ta afirma cu e proyecto pa instala inmigrantenan ilegal di nacionalidad Africano den e pais ta representa un actividad hostil cu ta menasando e demografia Libio,” ISA a bisa diaranson.

Libia a cay den caos despues di un rebelion sosteni pa NATO a tumba y mata e dictador di hopi aña Moammar Gadhaifi na 2011. E pais a keda dividi, cu dos administracion rival den parti este y oeste sosteni pa milicianan ilegal y gobiernonan stranhero.

Libia, cu ta comparti frontera cu seis pais y tin un costa largo cu e

Lama Mediterraneo, ta un punto principal di transito pa migrantenan cu ta huyendo di guera y pobreza na Africa y Medio Oriente, buscando un bida miho na Europa. E Organizacion Internacional pa Migracion ta calcula cu rond di 787.000 migrante y refugiado di varios nacionalidad ta bibando den Libia na 2024.

E lista di organisacionnan cu e

agencia a nombra ta inclui Doctors Without Borders, Norwegian Refugee Council, Danish Refugee Council, Terre des Hommes, Care, Acted, Inter SOS, y e organisacion Italiano Cesvi. Hopi di esnan a duna yudansa urgente durante e inundacion devastador den e pais cu a resulta den miles morto na 2023.

ISA a bisa cu e organisacionnan ta sospecha di labamento di placa pasobra nan ta evita transparencia riba con nan ta maneha transferencianan financiero pa nan proyecto y con nan ta cambia valuta stranhero pa moneda local.

Salem Ghaith, vocero di ISA, a bisa durante un rueda di prensa cu lo tuma medidanan legal estricto contra e NGO-nan, ademá di cera nan oficianan. El a bisa cu nan ta duna yudansa ilegalmente cu ta inclui bonnan di placa, paña, cuminda, hospedahe y asistencia medico — tur cos cu ta yuda migrantenan instala nan mes den Libia en bes di sigui biaha pa Europa.

“Como resultado, no tin motibo pa nan tuma e riesgo pa crusa e lama y migra pa Europa, convirtiendo Libia den un pais di destino en bes di solamente un pais di transito,” Ghaith a bisa.

MSF, cu ta e abreviacion Frances pa Doctors Without Borders, ta un di e organisacionnan afecta. Den un actualisacion di februari, e organisacion a bisa cu migrantenan den Libia ta enfrenta violencia y no ta ricibi cuido medico regularmente.

“Nan ta biba den condicionnan precario y ta enfrenta violencia y abuso, tanto paden como afo di e centronan di detencion den e pais. Nan ta ser secuestra, extorsiona, trafica, agredi of abusa sexualmente, mientras nan acceso na cuido medico ta severamente limita mientras cu nan mester di esaki desesperadamente,” segun e actualisacion di MSF.

E agencia gubernamental Libio a bisa tambe cu e Norwegian Refugee Council a duna migrantenan ilegal yudansa financiero, suministronan di cuminda, materialnan di limpieza, paña y medicamento sin cu autoridadnan Libio tabata sa of a duna permiso — un violacion di provisionnan di ley cu ta trata “crimennan contra seguridad di estado.”

Similarmente, e agencia ta afirma cu Relief International a viola ley por medio di duna servicionan medico na migrantenan ilegal, emplea trahadornan di salud gubernamental sin aprobacion di e ministerio di Salud, y usa un di nan warehouse pa warda medicamento den un manera cu no ta cumpli cu e standardnan legal di e estado pa wardamento di medicina.

Expression of Interest Reconstruction of Slope at Port O'stad

Aruba Ports Authority N.V. (APA) invites interested and qualified contractors with experience in nautical and maritime projects to submit an Expression of Interest (EOI) for the purpose of determining their interest, capacity and expertise to undertake services of upcoming projects in the maritime sector. The project entails the maintenance and/or (re)construction of a slope (talud) at Port Oranjestad. The purpose of the EOI is to identify construction companies that wish to participate in a forthcoming solicitation process. This EOI does not constitute a formal solicitation for bids, nor does it obligate APA to proceed with any contractual arrangements. Any requests for proposals (RFPs) will be issued separately.

Project Overview

In general terms the project entails the reconstruction of the Slope at Basins between Quay E & F, Quay G & H and area west of Quay I.

Works include:

- The construction of steel sheet pile walls with the use of appropriate machinery and equipment to execute the tasks efficiently and safely,
- Securely install brickworks or stones behind the steel sheet pile wall (to the north) as per the design specifications,
- Proper disposal of all waste material in compliance with local safety and environmental standards.

Contractor Requirements:

To be considered, contractors must have the following qualifications:

- Proven experience in maritime construction and/or nautical-related projects and steel piling field.
- Adequate workforce and equipment capacity to handle large-scale projects.
- Compliance with all local, regional, and international maritime safety standards and environment regulations.
- Strong project management skills with a demonstrated ability to meet deadlines and budget constraints.
- Previous successful partnerships or collaborations in the maritime industry are preferred.

Submission Requirements:

Interested contractors are requested to submit the following information:

1. Company profile and history, including a summary of relevant experience.
2. Detailed list of services offered within the maritime industry.
3. Evidence of past project successes, including project descriptions, timelines, and outcomes.
4. A summary of skilled workforce, their technical capabilities, and experience.
5. Proven financial stability to handle large projects.
6. Any additional relevant documents or certifications.

Deadline for Submission:

Final date to submit all EOI responses and any inquiries is **April 11, 2025 before 10:00 a.m.**

All should be directed to: tender@arubaports.com. Subject/reference of email:

Reconstruction of Slope at Port O'stad

Submissions received after said deadline will not be considered.

Next Steps:

Upon reviewing the submissions, APA will shortlist potential contractors and reserves the right to invite them for further discussions and tender submissions based on the information provided in the EOI.

We look forward to receiving your submission and potentially collaborating on this exciting project.

Sincerely,

ARUBA PORTS AUTHORITY N.V.

April 2025

